

中國方志叢書·華南地方·第二五一號


據

清康熙四十四年刊本
清康熙四十四年
任中宜纂輯

影印

雲南省

平彝縣志



sk69/03

成文出版社有限公司印行

k29
H1819
2751



10101838

中華民國六十三年六月壹一版

平 彝 縣 志 全 册

發行人：黃 成 助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七 八 七 〇 二 五

印刷者：成文出版社有限公司

內政部登記證內服台業字第一一四七號



平彝縣志序

平彝地當滇黔之交為六詔
鎖鑰明仿寓兵於農之法建
衛鎮撫諸蠻我

皇上德隆姚姒治臻雍熙於御
極之二十六年丁卯廢歸郡

縣至乙亥冬

督兩憲請以平彝故衛合亦
佐故邑並析霑益州之久安
長治二里立為縣

制曰可丙子姑蘇趙君宗武來
涖縣事未幾去越戊寅中宜

奉

命承乏其地邑當新造一切經
畫咸待初始爰為之清賦稅
均徭役繕城池振學校凡三
厯寒暑始就其緒顧其間因
革廢興不無異同苟不有以

志之使後之人莫可考據謂
非中宜之責歟雖然志之難
也所從來遠矣事不核其實
言不得其據文無可考獻無
可徵其足志乎哉於是廣為
之蒐羅慎為之采擇凡殘篇

斷簡漫滅而畧可識者不憚
數百里必求致之一日獲平
彝衛弁襲職冊數十頁煙翳
塵封蠹蝕破缺多方補綴泱
旬而差可摸索文字衣手為
之屢黑也父老遺民散處窮

鄉僻壤中有能知識往事者
時引前度詢其端委究其幽
隱又漁獵典故事涉邑治者
囊括而記錄之因得舉其綱
列其凡條分縷晰寧簡弗濫
寧嚴弗畧經年而稿始脫共

為志十卷且以地在荒遠實
多未信載諸行麓徧訪南中
舊志而質之參以廿一史通
鑑綱目纂要明一統志諸書
遷延歲月異鮮紕謬所恨親
記不博終多闕疑不得考正

畫一難免固陋之譏然中宜
之於平彝之志也一字一句
莫不手經數裁校讐釋義迄
無虛日是亦殫厥苦心矣夫
宣揚
聖化而垂於無窮者有司之職

也哀輯典章以備一邑之徵
者學士大夫之事也中宜自
愧弗文無所取重念社稷人
民志之所關匪細語曰若作
室家勤其垣墉辟彼繪事先
為素地至彬郁可觀不能不

有望於後之博雅君子云時
大清康熙四十四年歲次乙酉
孟冬雲南曲靖軍民府平彝
縣知縣加一級山陰任中宜
撰

平彝縣志目錄

圖說

縣治圖

縣署圖

學宮圖

學署圖

卷之一

天文志

星野

氣候

災祥

卷之二

沿革志

沿革

建置

卷之三

地理志

疆域

形勢

險要

山川

關隘

風俗
種人附

卷之四

建設志

官署

城池

堤閘

倉庫

驛堡

哨

鋪

橋梁

旅途

坊表

古蹟

冢墓

寺觀

景致

卷之五

賦役志

里甲

戶口

田賦

鹽法

課程

經費

物產

食貨

市肆

卷之六

官師志

宮制

縣秩

驛丞

衛秩

兵防

知縣

教諭

訓導

典史

名宦

卷之七

平庫縣志

卷之目錄

乙

學校志

文廟

學署

祭器

陳設圖

祭儀祝文附

樂章

選舉

義學

卷之八

典禮志

祀典

祀壇祝文附

卷之九

人物志

鄉賢

孝義

列女

土司

卷之十

藝文志

御製

奏疏

記

引

議


銘

牒 詩 補遺

平 年 錄 志

卷 之 目 錄

十一



東

縣治圖

西

北至靈州


靈州至北

州界三十五里



南至羅平州界

界至普安州界
二百三十里



東北至尋甸馬龍

界五十里

龍州界二百二十里

西至南寧縣白交水界三十五里

西南至南寧


越州界一百五十里


里二百一


縣治圖


縣治圖


上











1900

2000



1000

500

圖說

平彝亦佐地處普安羅平曲靖霑益之土壩山

砮

尚書音義曰壩疏也顏氏曰玄而疏者謂之壩

建治最後元興始立

羅山縣於平彝鄉設亦佐縣於夜苴部明洪武二十三年置平彝衛於羅山縣故址正德二年折曲靖衛之中右所子年彝衛為右所以衛原部為左所指揮使與僉事領之

皇清順治十五年克直仍名為衛罷指揮使等官改衛守備千總經歷教授康熙二十六年裁衛

徙曲靖府通判駐其地三十四年合亦佐故縣
名左所為民安里右所為物阜里其余家堡係
明沐氏勲莊我

朝關滇之初吳三桂鎮守雲南乞而有之附

羅降縣丞地入流設流官知縣典史各一人天
啟四年改築城於烏龍箐崇禎十三年土縣丞
沙運秦死無嗣削襲康熙八年亦佐以小縣例
裁附羅平州十三年吳逆偽設縣二十年逆平
仍裁歸羅平三十四年合平彝故衛為平彝縣
名上五營為為慕風里下五營為向義里其平
亦之支有霑益之土羊腸三十六營橫亘於中
壤地不能相接因時為患往往梗途頗稱未便
建制之初計不及此苗獞甚屬難治者也况平

久安長治慕風向義四里獠多漢少地盡官土
按耕入賦民仍往古代田之風隨畜遷徙視守
宰之拊循為去就者往往有之招携懷遠端在
後之君子至民安物阜咸屬軍丁屯產為家依
戀故土酷類中原傳曰有恆產者心其是

山陰任中宜識

纂修平彝縣志姓氏

纂輯

曲靖軍民府平彝縣知縣加一級任中宜

參閱

翰林院檢討新興管瀨

貴州右旣府知府海寧陳奕禧

曲靖府南寧縣儒學訓導建水葉口

雲南己卯科舉人馬龍查奉璵

雲南壬午科舉人新興朱統

雲南 己酉

雲南

平

貢

歲

彭起雲

雲南府昆陽州學廩生 王來賓

江府新興州學廩生 李文潔

曲靖府尋甸列學廩生 余其祥

曲靖府馬龍州學廩生 杜兆鵬

新興寄雲南府學廩生 陳嗣虞

說字

浙江紹興府山陰縣監生 任振芳

凡例

平彝新邑舊無志本稽之故衛與亦佐羅山故
縣亦無所見用是括新舊通志廿一史通鑑綱
目纂要明一統志南詔野史諸書而輯之

作志自當先正地理地理正而後古今人物事
變乃可由之而微如平彝故衛亦佐故縣宋以
前未建都邑莫可考據今以東之普安西之曲
靖南之羅平北之霑益按之知在古為夜郎地
在漢為牂牁郡宛溫縣地在蜀漢為興古郡地

在唐為盤州地元始建羅山縣於平彝鄉置亦
佐縣於夜直部明設平彝衛於故羅山縣治平
彝鄉之名見於元史其來舊矣

平彝衛右所原曲靖衛之中右所也散布南寧
需益馬龍尋甸之間海蠻窟本越州陸涼漢普
並名平彝平彝雖一下縣而地字幾徧郡治故
凡事涉曲靖一郡之大者不得不載之沿革
志者記也所以記往事垂來茲也縣志應詳於
郡志郡志應詳於通志今郡邑皆無志本苟徒

循之通志似太簡矣因博求境內文物而載之
難免掛漏之譏

一條目悉倣雲南通志次其甲乙共為十卷荒誕
無稽者闕之

一叙事亦以新舊通志為本其采自他書者註明
所自於其下示信也

一漢唐元明友

本朝關漢之事乃王化所由始而蒙趙揚段之竊
據復通聲教咸志之昭治亂也

一事雖重大非關於平邑者不教及

一災祥附之天文敬天命也

一官署橋梁由於營造旆途明其所由成入建設

志中

一名宦出於官師因入官師之求自警將來也

一流寓隱逸方枝仙釋舊無所聞寧闕以俟

一牂荆莊蹻等字訛傳者久畧疏明之

一志書鏤板盡出微俸藏諸學宮庶有典守

平彝縣志卷之一

知平彝縣事於越任中宜纂

男

振芳校

天文志

星野
災祥

氣候

周禮測景求中分星辨國占驗二十八宿之躔
度二曜五緯之次舍知人理應乎天文凡有國
者靡不敬其事而飭有司以精密求之也若昔
史遷班固范曄李淳風之倫究極微妙世莫能
尚猶以漢之星野各持一說自僧一行定屬井

鬼而何承天郭守敬劉基皆是其術而守之無
或有異其說者矣氣候災祥咸著厥效因附書
焉作天文志

星野

秦分雍州鶉首之次分屬井鬼周合梁於雍漢
在梁州之域漢武開西南彝置益州漢居益州
之南宋元明曆書與

國朝分度曲靖雲南府入井二十一度平彝縣隸
曲靖府應在井二十一度內

星野辨

南方朱鳥七宿

師目柳喉星頸張喙翼翻軫尾

東井八星

日行天列之南門 衡與鬼四星 櫃張衛曰木

天日也中央於分為秦於野為梁雍二州史記

天官書曰

漢司馬 甯觶參益州東井與鬼雍州

前漢地理志曰

漢班固著 秦地東井與鬼之分野

自弘農故臨以 西京北校風焉翊北為武郡西

河安定天水隴西 南有巴蜀廣漢從為武郡西

有金城武威張掖酒泉敦煌 前漢天文曰東

元年十月五星聚於東井 此漢王入秦受命東

地明效也

西南有牂牁越雋益州 柳三度謂之

天文

魏地皆觴參之分野也其界自高陵秦之分也魏地皆觴參之分野也其界自高陵
長平潁川之舞陽鄆許偃陵河南之開封中牟
皆魏分也武酸棗卷

十二次度數

晉天文志曰

唐李淳風著

十二次班固取三統曆十

二次配十二野又有費直周易蔡邕月令章句

所言頗有先後魏太史令陳卓更言郡國所入

宿度附而次之

自畢十二度至東井十五度為實沈於辰在申

魏之分野屬益州

費直起畢九度
蔡邕起畢六度

自東井十六度至柳八度為鶉首於辰在未秦

之分野屬雍州

費直起井十二度
蔡邕起井十度

州郡躔次

晋天文志曰陳卓范蠡鬼谷子張良諸葛亮

周京房張衡李淳風並云

崑參魏益州

廣漢入崑一度

越雋入崑三度

蜀郡入參一度

睫為入參三度

牂牁入參五度

巴都入參八度

漢中入參九度

益州入參七度

東井與鬼秦雍州

雲中入東井一度

定襄入東井八度

雁門入東井十六度

代郡入東井二十八度

太原入東井二十九度

上黨入與鬼二度

按班固皇甫謐費直蔡邕唐浮圖一行宋太史
何承天太史郭守敬明誠意伯劉基暨

國朝曆書皆云

秦地東井與鬼之分野其西南有牂牁越雋益

州

西安入井一度

成都入井十度

曲靖雲南入井二十一度

臨安江元入井二十二度

西江廣西入井二十三度

楚雄武定入井二十四度

寧東景入井二十五度

大理永昌入井二十六度

江慶入井二十七

貴陽入井二十八度

石阡入鬼一度

舊通志李元陽曰雲南幅員最廣其在西北者
皆屬井鬼其在東南者皆屬崑崙又謂楊士雲
精於象緯嘗曰金滄洱海二道應合雍屬井鬼
安普臨元二道應合蜀屬崑崙而新通志則曰
蜀在秦西南則近參之井即蜀分野滇又在蜀
之南則近鬼之井即滇分野是滇在井鬼之間
故舉訟紛紜迄無定說備載之以俟精於天官
者裁焉

金滄洱海二道
臨元安普二道
轄迤東西郡縣

氣候

平彝邊黔氣候與黔近似多雨春夏風高視滇
微輕暑如五月寒如十月雖有薄暑微炎見雨
輒涼嚴霜密雪一霽即溫自曲靖西漸入溫和
之鄉月令五氣之中位宜在於西南滇處西南
於後天卦位為坤得土中氣故氣候異於他省

災祥

嘉靖十六年地震

萬曆四十八年二月己卯有雲氣黃紅漸變黑
霧晝晦如夜大風雨如注平彝折木無數哨兵

舍吹去四里

康熙三十三年大水行人以舟渡

康熙三十四年旱

康熙三十五年大水後旱民饑

康熙三十六年旱民饑

康熙三十八年五月響水鋪災歲大稔斗米三

分

康熙三十九年虎噬人

康熙四十一年大稔

康熙四十六年二月丙戌城東關災四月丙申
大水淹死十六人十二月甲午石岑鋪災

平彝縣志卷之二

知平彝縣事於越任中宜纂輯

男振芳校

沿革志 沿革 建置

漢武平南彝置牂牁郡夜郎地盡入職方雖建
置有紀而豪酋仍世領之其後蜀晉隋唐以及
元明漸摩既久物華人英彷彿中夏巴非復前
日之椎髻比矣至我

朝聲教覃敷文武為憲視前代大有加焉則莫

安之功竊據之禍因革之詳隆替之跡墳籍具
在其可勿志乎作沿革建置志

沿革大事考

夏

禹以天下為九州華陽黑水惟梁州滇在梁州

之域縣治隸焉

師古曰地有滇池因為名也後漢書曰水源深廣末更淺狹有

似倒流故謂之滇音顛謂

殷

制如夏

周

合梁於雍又為雍州之地楚頃襄王使將軍莊

躄脚將兵畧定巴黔以西

四川一統志曰巴黔今

至滇池以兵威定屬楚欲歸報會秦擊奪楚巴

黔中郡道塞遂留王滇

秦

使常額畧通五尺道諸此國頗置吏

史實曰

夜郎且蘭二
縣地額音過

漢

武帝建元六年太行王恢擊東越因兵威使番陽

令唐蒙風曉南越音婆南越食蒙蜀蒟醬讀食

音曰舉蒟蒙問所從來曰道西北牂牁由師古曰道

志曰牂牁繫船伐軍至且蘭楚頃襄王遣將

改其名為牂牁地多雨潦俗好巫鬼禁忌

州實曰明一統志曰古牂牁郡城在思州府西

播州今義府是唐南蠻傳曰昆明東九蒙歸

至長安問蜀賈人音賈賈人曰獨蜀出蒟多持

竊出市夜郎漢書曰夜郎者初有女子浣子遊

有武自聲部立為竹視之得一男兒歸而養之及長有
 才屬國也正義曰今夜郎縣故址在遵義州曲北
 為屬國也正義曰今夜郎縣故址在遵義州曲北
 卒夜郎國也史實實曰今夜郎縣故址在遵義州曲北
 五十五里按夜郎者臨牂牁江江足以
 遵義貴陽曲靖之間夜郎者臨牂牁江江足以
 行船南越以財物役屬夜郎蒙乃上書曰以漢
 之強巴蜀之饒通夜郎道為置吏易其上許之
 拜蒙為中郎將從巴蜀徼關入在史實曰夜郎
 東北四十里一名見夜郎侯多同其師古曰多同
 天險關音昨見夜郎侯多同其師古曰多同
 喻以威德約為置吏乃以為捷為郡捷為郡
 叙州捷發巴蜀卒治道自焚道焚道捷音
 音堅捷發巴蜀卒治道自焚道焚道捷音

指牂牁江蜀人司馬相如亦言西彝邛笮可置

郡正義曰邛在戎州西南笮在戎州西北華陽拜相

如為中郎將往喻通西南彝道除邊關除邊關

謂通開西至沫若水沫音末史實曰

若水在雅州邛崃縣西南一名瀘水經南至

牂牁置一都尉十餘縣屬蜀既而罷西彝獨置

南彝兩縣一都尉稍令犍為自保就師古曰修

成其郡縣

元鼎六年南越相呂嘉反上使馳義侯因犍為發

南彝兵且蘭君恐遠行史集覽曰且蘭南彝種

小國名漢因名縣明一統志曰且蘭故城在雲

南城北十餘里楚莊驕王滇時所築名穀昌城

且蘭遂平南彝為牂牁郡夜郎侯八朝上以為

夜郎王以邛都為越雋郡括地志云邛都

都為沈黎郡括地志云沈黎今黎其在滇西者

為越雋郡之遂火華陽國志曰有繩青蛉前漢

臨漢書一池統志曰全大姚縣是蛉音零

縣後漢書曰縣在郡西麗江府今廢唐在滇東

年系志

沿革

者為牂牁郡之且蘭前漢書曰水東兩至益

邑平彝曰平彝之名始北明一統志漏卧故應幼曰

國侯句町西縣地涼州漢曰句町有文家水東至增

古縣曰北音幼故擬師

元封二年復使郭昌衛廣發巴蜀兵擊滅勞浸靡

莫姓索隱曰勞漫靡莫南彝二國名與滇同以兵

滇滇王舉國降後漢書曰滇王請置吏入朝以

其地為益州郡春秋元命包云益之為言益也

益大故賜滇王王印領二十四縣西南君長以

以名焉

百數獨夜郎滇受王印王前漢書曰益州郡故滇
群臨牂牁江領十縣北三治為牂牁郡宛温縣
地南中志曰宛温縣北三治為牂牁郡宛温縣
步深二十餘文此江有毒氣明一統志曰曲靖府
東南二百七十里羅雄州漢為牂牁郡宛温縣
音師於元反

蜀漢

後主建興三年三月丞相亮南征誅雍闓擒孟獲
 益州永昌牂牁越雋四郡平即其渠帥龍佑那
 為酋長賜姓張氏改益州郡為建寧郡晉書曰
治味孟康曰味音昧劉宋分建為寧永昌地置
書曰滇王國今雲南府是

平年系志

卷之二

沿革

三十一

雲南郡分建寧牂牁地置與古郡元史曰漢夜

書曰治律高縣劉宋書曰并越雋前漢書曰朱

提音應劭曰朱提山在西南正義曰朱提為七郡

宛温屬興古漢武平滇初置益州郡郡也非州

至蜀漢始改益州郡為

晉

武帝泰始七年以益州地廣分益州南境之建

寧與古雲南交州之永昌四郡為寧州置刺史

縣治隸與古文獻通考曰寧州理雲南即今郡

劉宋地理志曰桓温改宛温為宛

暖

太康三年罷寧州入益州立南彝校尉以護之

惠帝太安二年復立寧州分建寧以西七縣別立

益州郡見晉書

懷帝永嘉二年改益州郡曰晉寧分祥荆立年彝

夜郎二郡見晉書分祥荆郡之 釐半為

五年寧州刺史王遜分興四年平彝太守雷炤殺

南廣太守孟桓帥二郡叛降李雄第三子 據

西南卒傳子襲位晉穆 帝永和二年桓溫滅之

平彝系志

卷之三

沿革

三三

明帝太寧二年梁水太守爨亮益州太守李暹以
興古郡叛降李雄

三年五月滇南蠻校尉征南大將軍陶侃表零
陵太守尹奉為寧州刺史殺爨亮降李暹

成帝咸康二年十月廣州刺史鄧嶽遣督護王隨
擊夜郎新昌太守陶協擊興古並克之

梁

簡文帝大寶元年寧州刺史徐文盛入討侯景于
貝磯爨瓚遂據牂牁興古各郡朝廷不得已授

瓚寧州刺史瓚梁武帝瓚死子震翫分統其衆

夔氏以方土大姓自為君長夔龍顏仕宋為邛都侯夔雲仕魏為同樂侯

隋

文帝開皇十五年南寧羗夔翫遣使朝貢以為昆

州刺史命韋世冲以兵戍之置恭州唐書曰協

州隋書曰大業初廢恭州協州入捷為郡開州唐書曰武德元年復置縣三東安西安胡

隋元初為恭州協州昆州武德元年開南中復置

晉寧明一統志曰建寧郡清置昆州未幾叛

十七年遣太平公史萬歲擊南寧羗夔翫平之

平寧縣志

卷之二

沿革

三五

十八年爨翫復叛史萬歲以罪除名震翫懼討入

朝上誅之諸子沒為奴分寧州為南寧西寧二

州各設刺史子雋州戎州皆設都督唐南蠻傳

自為酋長如建寧以東則有東爨烏蠻西爨白

蠻又其東有東謝蠻南謝蠻東謝之南有西趙

唐

高祖武德四年置西平州疑即晉西平郡也初高

祖釋爨弘達歸為昆州

利史諸蠻彝內附因設州郡為都督刺史皆世

暇于四裔即其部落列州郡為都督刺史皆世

襲雖貢賦版籍不上戶部然聲教所暨皆邊州

都督護所領又唐書曰西平州故興古郡也其

南交州縣三附唐平彝盤江之間隸戎州都督
明一統志曰霑益州唐初於北置西平州滇通
志古蹟西平州故城
在霑益州東二里

七年命韋仁壽檢校南寧州都督寄治越雋將兵

循西洱河開地置七州十五縣各官其豪帥攷

恭州曰曲州唐書曰隋置隋亂廢武德元年開

按協州縣二朱建提唐興朱悅州唐書曰縣六

州悅水夷靖州唐書曰析州置縣二靖州分

壽受命將兵五百人周歷數千里蠻彝望風歸

張樂進求為首領大將軍貞觀初爨弘達死以

行	寧	公	參	里	南	名	日	未	郎	年	夜	府	靖	元	州	南	志
旅	順	為	考	地	十	彌	○	沒	州	置	郎	城	軍	中	後	寧	曰
之	治	一	○	名	五	河	西	於	貞	總	地	西	民	陞	沒	州	石
便	十	程	按	三	里	○	洱	變	觀	管	武	十	府	南	於	本	城
遷	六	三	故	岔	地	曲	河	唐	元	府	德	五	治	寧	蠻	漢	在
南	年	岔	旅	是	名	靖	在	末	年	年	元	里	所	州	元	益	曲
寧	徙	岔	途	唐	南	人	大	復	罷	年	年	三	仍	後	初	州	靖
驛	窳	南	自	南	城	曰	理	置	都	僑	開	公	屬	改	置	郡	府
人	益	寧	白	寧	是	曲	府	於	督	治	南	平	馬	為	十	味	北
交	州	縣	水	城	唐	靖	東	清	開	益	中	州	通	南	戶	縣	二
水	治	治	關	即	靖	府	部	溪	元	州	因	中	志	寧	所	地	十
地	於	是	驛	協	州	城	古	鎮	五	八	故	唐	曰	縣	隸	唐	里
城	交	以	經	州	城	是	之	去	年	年	同	書	故	本	摩	初	漢
其	水	其	曲	城	城	唐	菜	黔	復	故	樂	曰	南	朝	滿	於	國
三	康	驛	靖	姑	西	曲	榆	州	故	治	置	南	寧	因	部	此	一
年	熙	猶	城	存	北	州	河	二	名	味	治	寧	寧	之	萬	置	統
省	初	名	抵	以	十	城	也	南	天	更	味	州	址	為	戶	南	志
驛	因	南	三	備	五	城	一	九	寶	名	四	漢	在	為	曲	寧	曰

丞歸靈蓋州

太宗貞觀八年改西平州曰盤州見唐書明一涼統

亦佐皆盤州地

高宗永徽四年蒙舍詔細娜邏遣子邏盛炎入朝

以細娜邏為魏州刺史唐南蠻傳曰彝諸主為

一也與蒙篤詔越析詔浪考詔蒙舍鄧賤詔者六詔之

改稱南詔野史曰施浪詔今曲靖

玄宗開元二十六年南詔皮羅閣利啖劍南節度

使王昱求合六詔為一制可之於蒙氏建松明樓

三
日誘立詔祭祖舉大焚冊為雲南王賜名歸義

之盡殺五詔主并其地

天寶九年南詔反故事南詔嘗與妻子謁都督過雲南太守張虔陀虔陀私之多所求丐羅鳳怨忿反發兵攻虔陀殺之

十年四月劍南節度使鮮于仲通自將八萬人擊南詔進次曲州靖州南詔王閣羅鳳遣使謝罪仲通不許進軍西洱河與戰大敗士卒死者六萬人羅鳳臣吐蕃揭碑國門明不得已而叛唐十三年徵天下兵凡十萬使劍南留後李宓擊南

詔閣羅鳳誘之深入至太和城閉壁不戰必糧
盡士卒瘡疫餓死什七八乃引還蠻追擊之全

皆沒前後死者幾二十萬人雲南盡沒於蠻

蠻傳曰東西變分鳥白二種自曲州靖州西南
昆川距龍和城通謂之西變白蠻自瀾鹿升麻

二川距南至頭通謂之西變白蠻自瀾鹿升麻
兵脅西變徙之至龍和皆殘於兵東變烏蠻復

振徙居西變故地世與南記為婚其種皆七部
落一日阿芋路居曲州靖州故地○太和城在

大理府城南十五里

代宗大曆元年閣羅鳳僭稱大禮國

十四年九月閣羅鳳死其孫異牟尋襲

德宗貞元三年異牟尋絕吐蕃復歸於唐

宣宗大中十三年十二月南詔豐祐死子酋龍嗣

酋龍自稱皇帝改國號大禮

僖宗乾符四年二月酋龍死子法嗣請和許之酋

龍為邊患二十年唐宣因之虛耗

中和三年十月唐以宗室女為安化公主與南詔

和親

昭宗天復二年南詔清平官鄭賈嗣唐南蠻傳曰

決國事猶宰相也賈嗣唐西蓋今鄭回七世孫弒其主舜化滅蒙氏僭號

太長和國蒙氏傳三十五世共
二百五十年而亡

後梁

太祖開平四年鄭買嗣死子旻立傳子隆賈東川

節度使揚于貞殺之鄭氏傳三十一世

後唐

明宗天成元年楊于貞立侍中趙善政南詔清

三年趙善政僭號大天興國六月楊于貞廢之

自立僭號大義寧國八年而亡

後晉

高祖天福元年通海節度使段思平討楊于貞三
七部會於石城攻大理平之于貞走死

二年思平自立僭號大理國段氏之光為武威郡人自段忠國佐蒙氏

為清平官六傳至思平

宋

太祖乾德三年忠武節度使王全斌平蜀欲以兵
威取雲南進滇地圖太祖鑒唐之禍以玉斧畫
大渡河州在四州黎曰此外非吾有也滇遂為段
氏所據不通中國諸蠻凡三十七部縣治為摩

彌部元史曰 奪之摩彌部 先變蒙提 居交水 村築城 名彌
按元史 為大禮國高護軍 逐其子孫為 松巨 又
居之 若勢 強焚 刺二 尋鄉 於交 水為 近摩 夜直 部
彌勢 彌勢 強焚 刺二 尋鄉 於交 水為 近摩 夜直 部

仁宗皇祐五年荆湖宣撫使狄青敗儂智高於邕
 州智高走大理死其王段思廉函首送京師復

通中國

神宗元豐三年楊義貞弒其王廉義而自立高智
 昇討誅之立廉義子壽輝善闡侯高昇秦又廢
 之立思廉孫正明

五年正明遜位為僧見石屏州志國人立其相善

闡侯高昇泰僭號大中國

哲宗紹聖元年昇泰死子泰明奉父遺命立段正

明弟正淳號後禮國

徽宗政和七年大理貢馬及麝香方物授段和譽

和譽郎為雲南節度使雲南國王

理宗淳祐十二年元憲宗二年八月蒙古使忽必烈元

世祖擊大理抗合烈率東道兵入曲靖府

寶祐元年元憲宗三年十二月蒙古忽必烈由中道越

比萬勝人州今渡金沙江進薄大理慮其王段智興分

兵取附都善鄯烏爨等部遂班師留大將兀良

合台攻諸彝之未附者段氏自思平至百智興博

年又百人為總

三年元憲宗西南彝盡降蒙古得五城八府四郡

蠻部三十七

四年元憲宗蒙古立摩彌部萬戶於南寧州領南

寧南寧落温陸納垢普摩州悅四千戶

度宗咸淳七年元世祖至蒙古改國號曰元以摩

為中路

帝顯德祐二年

元九世祖至元

立行中書省於善鄆

南今府雲初置郡縣改中路為曲靖路宣撫司領南

縣倚郭陸涼州溫州即落越州越州之川名魯望善摩

越在州城南四十五里本唐悅州通志曰故羅雄

州羅雄其一白蒙由丘後裔有羅雄者居北甸至

其孫善恐名其部曰羅雄九初隸善馬龍州郎納

害益州即唐盟州害益州領縣三交水其先摩

蒙提居此築城即其城五縣石梁在州東北五

羅山 在州東南一百二十里平彝鄉彝名落蒙山乃摩彌部東境摩彌部今曲靖府是。

目曲靖路以
下並見元史

元

世祖至元十五年賜雲南土官冠帶使仍舊任二

十年七月開雲南驛路設官治之

二十八年二月以雲南曲靖路宣撫司所轄地廣

改立曲靖等處宣慰司管軍萬戶府以鎮之紀年

二十九年四月設雲南諸路學校以蜀士充教官

順帝元統三年三月以霑益州所轄交水石梁羅

長
二
二

山三縣併歸巡檢司
寧見順帝本紀按明會典南

橋一松韶關三處各有巡檢一員疑平彝亦有巡

元至元年
檢一松韶關三處各有巡檢一員疑平彝亦有巡

至元二年立亦佐縣
折羅州之夜苴部為治隸

領之明修攘備考曰一元至元間置亦佐縣舊縣

五里漢宛温縣地蜀漢及晉皆興古郡按唐

史無亦佐縣名仍交水石梁隸曲靖路宣慰

司

明

太祖洪武十四年雲南一稱元宜九月命潁川侯傅

友德為征南將軍永昌侯藍王西平侯沐英左副

征雲南友德至湖廣分遣列侯郭英等由永寧

趨烏撒大軍由辰沅入貴州達普定諸苗蠻望

鳳迎降

十二月友德等入滇沐英駐軍上敗元兵於白石

江在曲靖城遂平曲靖分遣沐英擊越州龍海

諸寨越州沙香龍海亦佐土友德自帥師擊

烏撒遣沐英等趨雲南元梁王走滇池島中赴

下年系志

卷之三 沿革

四二

水死城降

十五年正月以雲南行中書省為雲南都司布政司等官罷曲靖宣慰司為曲靖軍民府

十六年二月詔傅友德班師留沐英鎮守雲南見史

二十一年正月命穎國公傅友德等統番漢大軍

征雲南未靖蠻寇

見明史

九月傅友德等討越州叛酋阿資於普安

資龍子

生

擒一千三百餘人沐英遣都督甯正從友德擊

阿資大敗之阿資遂降

見明史

築堡平彝

見舊通志

二十三年置越州平彝二衛

明一統志曰平彝衛在霑益州東南一百二十里又曰普安州有平彝守禦千戶所按普安舊潁雲南洪武二十二年改隸貴州以故普安有平彝名也

二十四年阿資復叛平羗將軍何福降之作驛舍郵亭通黔蜀道

見明史多羅驛設在平彝衛之石岑鋪堡名白

水隸羅雄州驛丞一員堡官一員以罪人徒充
站夫

十二月沐英以阿資叛服不常請徙越州衛於陸
涼鎮之置寧越堡

二十八年正月阿資又叛酉平侯沐春率何福討
誅之及同惡二百餘人

罷越州

以王鄉人霑益州石堡山入南甯縣屈郎村入
亦佐縣

以亦佐縣入流設流官知縣

沙首以罪降縣丞

三十一年建陸涼衛移越州衛入越州城

惠帝建文元年築平彝衛城

在舊城山上見舊志

二年省平彝衛歸曲靖衛

見衛官襲職冊

成祖永樂元年復設平彝衛

見衛官襲職冊

三年越州土舍祿寧詣闕貢馬祿寧河詔授亦佐

縣右縣丞置之亦佐城與沙氏為左右土縣丞

折越州臨郭村莊食之見海酋襲職冊

憲宗成化十二年八月置臨元瀾滄金騰曲靖四

道以飭戎

孝宗弘治七年建平彝衛石城

見舊通志曰正統中東移數百步

武宗正德二年調曲靖衛之中右所益平彝衛為

右所衛原部為左所

見衛官襲職冊○指揮吏與旗旗有七軍千戶
管所有戶管伍總旗副之旗置小旗一人共軍
七百名有奇以三分為步寧守城七分屯田輪
餉官軍並世襲

遷建平彝衛石城

南移二十餘步見舊志

移多羅驛舍駐東關

九年建平彝衛學

十一年頒印見包志

世宗嘉靖二十五年二月設霑平守備

從貴州巡撫劉渠請也見南詔野史按嘉靖中
平彝千戶徐宗以安海二彝為患追擊死之事
詳名宦

神宗萬曆十六年以臨元參將兼治霑平守備事
熹宗天啟二年二月霑益彝婦設科叛臨平彝城
指揮僉事曹三捷李天植死之

設科水西土目安邦彥妹安効良與之通土目
補鮮李賢柰科期曲為之用殺吏民陷霑益倘

塘炎方松林交水白水平彝諸站堡平彝管操
指揮曹三捷李天植拒敵死之創軍民數百人
失衛所伍印掌印指揮使唐九官千百戶等被
傷而奔

按平彝指揮使無唐九官名

三月改霑平守備為遊擊 巡撫沈倣燂便宜起
用故參將袁善討霑益諸蠻

四月參將尹啟易守備李加培周嘉映等討叛氏
於霑益敗績加培嘉映俱死

安効良悉水烏蠻拒職官軍失貢象三効良霑
益土知州署烏撒土府事

五月尹啟易屯兵交水

七月亦佐縣安京營營長安應龍作亂

應龍合霑益蠻補鮮階亦佐城逐知縣封存章
封府庫僭亦佐事存章走廣西府

九月補鮮安應龍阿九圍羅平城不克而去

羅平改土為州萬曆十四年事也彝民不通漢
語帕見官府糧差令漢人領之謂之歇戶初時

上下守法猶覺相安後囚有司橫徵無藝歲額
之外益一千三百餘金而歇戶諸色橫索尤甚
致奪馬牛準折田土各弊始囂然喪其樂生之
心害益叛首補鮓乘而用之遂率衆攻城然二
十四營土酋順逆者半賊不過七八千人應龍
與阿九分管亦佐上下五營而僭羅平之半
三年四月參將施翰計禽阿九父子干法十寨斬
之

補鮓等招誘亂民三圍羅平城官軍大集七越

月而解乘勝掩擊補鮒安應龍于亦佐覆應龍
巢穴應龍走晉安翰追之至晉安斬三百餘級
誡賊從安氏三隴應麒及應龍妻子而還勒石
除羅平苛政七十二條應龍奔烏撒參將袁善
收復平彝白水城堡招集流亡法于羅平州

寨名

五月建交水城徙平彝右所軍士戍之
水西晉安諸蠻復寇平彝守將袁善擊走之
諸蠻萬餘人來寇平彝袁善炮擊之殪其衆賊

楚屍野祭而去善躡賊踪由羊腸亦佐越州遁
七月飭平彝衛樓櫓廩寺民舍

十一月兵備參議王英參將尹啟易計禽設科李
賢誅之

押設科械擊賢就法司獄取其親子為質補三
年逋負築城守之遣經歷魏天命招徠亦佐縣
流散釋被擄人民七百有奇撫定彝寨一千六
十有奇

十二月安効良具文乞降

巡撫閔洪學貢其款補鯨應龍罪

四年十二月築亦佐縣石城 俘安應龍

安劾良縛安應龍及貴州烏撒衛經歷司各印
信按目把何與先保邦正款予曲靖道王鎮以
爭蘇應龍故佯勞之遣還殺一使于曲靖城外
五年二月副總兵袁修復霑益城及倘塘矣方松
林四驛堡蜀道復通

三月水蘭烏霑三逆合兵數萬窺霑益敗走之
按劾良水西肺腑之親也二載來亦佯為恭順

自獻安應龍後不意所遣獻功人被劫又見黔
師出陸廣滇師入霑益成騎虎自分終不得生
遂南面而向滇也蘭鳥合成一片其飛殆十倍
于我分寇霑益炎方則總兵袁善官撫使沙源
守備龍在田郝天極名色守備王顯祖洪偉張
實等血戰霑益城下利遣守備吾必奎等堅守
炎方以為犄角善乘勝間出炎方炎擊大破之
前後五戰五日五夜破賊五六萬衆賊不敢窺
霑益遁去

水蘭烏寇事見皇明通紀新舊通志

懷宗禎三年黔國公冰天波巡撫土伉巡按甘學
潤詣曲靖討安効良設科餘孽雖世昌平之

十三年削亦佐左土縣丞沙運泰籍

運泰死無嗣其妻隆氏撫姪承統襲居舊縣東
又之嗣失賊

本朝即大清

世祖章皇帝順治元年甲申

雲南未入版圖特書之大一統也

二年乙酉十二月朔臨安府王弄山之酋沙定洲
叛宣撫司沙源次子據雲南城分遣其黨陷迤東西郡
縣

三年丙戌憲益州土酋雞世昌子贊統冒稱為亦
佐左土縣丞沙氏裔附宗定洲逐沙承統母子
奪知縣牟道顯政徵吞賦稅理民事簿書悉出
其門道顯縮虛篆聽命

四年丁亥三月流寇孫可望李定國劉文秀艾能
奇自黔入滇詭稱梭師二十五日屠平彝二十

八日屠交水二十九日屠曲靖或剝手知府宋

又旦知縣陳六奇死之定洲遣其党禦可望等

於曲靖大敗可望分兵聲言揭定洲巢穴定洲

弄山老寨今定洲聞棄會城走遇可望兵於蛇

花口大敗退守俚革童可望飢困由尋甸嵩明

宜良入雲南據之

五年戊子五月艾能奇死

八月李定國被俚革童獲沙定州萬氏楊嘉賓等

械赴雲南十月磔於市誅同惡數百人入亦佐

土舍沙贊統自度不免飲鴆死贊統子飛雄乘
亂復據亦佐

萬氏叛酋晉名聲妻也名聲死納沙源長子定
海既而鴆定海納定洲性狡黠法虐續名聲為
亂

六年己丑二月孫可望等聞明桂王朱常瀛子由
根偽稱永曆年號於粵西遣副使楊畏知與偽
戶部龔彝如粵求封爵以群議不決彝潛歸
七年庚寅孫可望偽稱秦王署百官取黔中地詣

貴陽

八年辛卯二月孫可望目稱國主

九年壬辰二月永曆駐安籠所孫可望築宮貴陽
使其將白文選迎永曆如黔
謀受禪永曆不
果行

十三年丙申正月李定國自廣西至安籠擁永曆
入滇

二月永曆至雲南署百官改平彝衛為平彝縣
見舊志

十四年丁酉孫可望自貴陽舉兵入滇攻永曆
九月李定國劉文秀逆戰可望於曲靖之三岔口
大敗之可望走長沙乞降於經畧洪永疇軍前
十五年戊戌劉文秀死

十二月大師三路取滇會於曲靖永曆走迤西
十六年正月大師抵雲南定兩迤郡縣亦佐土
縣 永海潤歸附 遷霑益州治於交水城
與右所官軍合居

二月永曆自騰越州入緬甸

沿革

六月設總督巡撫布政按察等衙門平彝衛所世襲指揮使等官易守備千總

十七年正月詔吳三桂鎮雲南三桂疏乞沐氏勲莊予之

十八年亦佐土舍沙飛雄謀逆事覺總督趙廷臣捕逮屬府瘦死

八月以衛所軍官職田照軍糧例起科編軍舍丁差罷管堡百戶官以衛千總兼之
明初設百戶一員典堡夫事

康熙元年正月緬甸酋獻永曆至滇

四月定酉將軍爰星河等議送永曆至京吳三桂
奏以道遠不便縊永曆及其子於昆明館家屬
送京

五月雲貴總督理曲靖府

前治雲南後遷貴州

五年以亦佐土縣丞海潤地編為里甲

海地人流編糧已久潤乃恣意飛灑毒虐
剝
巡撫袁懋功奏請其地上伍營中伍營下伍營

編為太平人安長治三里每里十甲著其額不
得易

遷多羅驛於城中

八年罷亦佐縣

以小縣例省人羅平州

九年五月安插土酋海潤於越州

十二年十一月吳三桂叛

十三年正月偽設亦佐縣

十七年亦佐偽令龍元熹以安邊豐約二營賄給

沙飛雄從子鼎臣

八月三桂死

十月偽留守將軍郭壯圖等立三桂孫世璠

二十年辛酉二月大師入滇境秋毫無犯所至歸

附十九日軍薄雲南城郭壯圖率眾死力拒守

圍之

詔免雲南二十年分夏稅

十月二十八日世璠壯圖自殺餘黨降

二十一年釋滇民之隸逆籍者為民仍以亦佐縣

附羅平州以吳三桂原請沐氏勲莊併歸附近
州縣

二十二年巡撫王維文請修學校

亦佐阿汪營火頭厦魯機字維屏胃稱為沙晉
元苗裔攘沙鼎臣安邊營踞之

二十三年七月以驛丞兼治堡夫事

堡事初以衛千總兼治後軍興外委堡官一員
至是監驛道副使郭廷弼請歸驛官帶理

二十四年以沐氏勲莊變價還民照民糧例起科

近平彝衛城之寄莊入霑益州

五月頒 御書萬世師表四字懸於雲南各學

十二月巡撫王繼文奏發常平倉賑恤孤貧從之
二十六年二月裁平彝衛

徙曲靖府通判駐城治左所地歸馬龍尋甸霑
益南寧四州縣儒學曲靖府從總督范承勳請
也

二十八年九月總督范承勳奏請雲南二十一年
至二十七年通欠屯糧分年帶徵 上畫蠲之

二十九年二月巡撫王繼文以錢墜價低驛堡工食不便以全錢支給請用銀七錢三搭放從之十月巡撫王繼文奏請衛所荒田照民糧上中則起科聽民開墾

五十二年詔復通省民屯田租

三十四年九月巡撫石文晟以屯衛錢糧十倍民賦請照河陽縣土則起科從之

滇省田賦河陽縣為最重

屯因蘇十一月建平彝縣

巡撫石文晟總督王繼文再疏允之設知縣典
史訓道各一人以亦佐土縣丞改為平彝土縣
丞罷多羅驛丞歸縣帶理

以平彝廢衛亦佐廢縣及折霑益州之久安長
治二里寄莊余家堡為治於故平彝衛城

十二月亦佐安邊營上舍沙鼎臣殺沙維屏於沙
營

維屏貴州永寧州募役長官司禮申信塔也申
信為維屏聚衆千人於安邊營謀攻鼎臣盡奪

其地未行被鼎臣殺之

三十五年黔首禮申信訟沙鼎臣於官勾致鼎臣杖斃之

豐約安邊二營仍歸流二彝家口逐出境外
三十八年三月頒平彝縣印

縣治新設刻木為記至是禮部發印及學記到
縣

四十三年詔免通省軍民田賦

四十五年增設平彝縣儒學教諭

驛堡工食支給全銀

五十年詔免通省軍民地畝人丁銀兩

平彝縣建置表

總部

郡

州

縣

唐虞

南交昧谷之交

夏商

梁州域

周

合梁於雍

戰國楚漢國

秦

夜郎

且蘭縣

漢

益州

牂牁郡

宛温縣

蜀漢

徐州

興古郡

宛温縣

晉

寧州

興古郡

西平郡

宋

寧州

興古郡

齊

雙瓊據

西雙白蠻

梁

東雙烏蠻

阿芋路部

陳

隋

益

捷為郡

恭州

協州

開邊縣

唐 戎州都督

隋書地理曰大業初廢恭州協州入開邊縣

西平州 天寶中改盤州

蒙氏據

摩彌部

夜苴部

宋 段氏據

摩彌部

摩彌部萬戶

晉摩千戶

中路

雲南行中書省

曲靖府總管府 霑益州

羅山縣

曲靖宣撫司

亦佐縣

明

雲南布政司

曲靖軍民府

羅平州

亦佐縣

雲南都司

平彝衛

本朝

雲南布政司

曲靖軍民府

羅平州

亦佐縣

雲南都司

平彝衛

雲南

曲靖軍民府

平彝縣

平彝縣志卷之三

知平彝縣事於越任中宜纂輯

男 振芳校

地理志

疆域
山川

形勢
閔隘

險要
風俗

種人附

邑為徼外孔道全滇門戶之區南通苗獠中懷
安海二獠厥土青黎丙多磽确可耕者十之一
耳誠荒服也然白馬清溪之槩披閱黃圖居然
列於名勝間矣惟地險阻舟車不通轉運無術
財利難興欲望民生之裕曷可得哉作地理志

疆域

滇處京師西南極邊而平則滇東北之一隅也
去京師一萬一百七十里在雲南省城東北四
百一十五里在曲靖府城東北一百三十五里
東至貴州普安州界十五里南至羅平州界二
百二十里西至南寧縣白水關界三十五里北
至霑益州界十五里
物阜里在南霑馬弄之間原係右所屯地地土
零星亦佐之豐約等營東北界連普安而安邊

營又東南揀入晉安域中安定阿許等營西北與越州及安土接壤皆未能以四至述也

形勢

神馬擁前翠屏列後清溪環流蒼崖峭立黔界所分滇疆首邑

險要

地故遐荒壤屬夜郎西通滇戶東鎖黔關北連彝南距苗撞十山攢聚一線羊腸滇之喉舌也

山川

龍馬山 一名白馬山在城南二十五里高十
十五丈三峯峙立中峯獨出昔有白龍馬現
其間至今石槽尚存鄉人結廬於其上曰萬
山雄鎮

巒岡山 在城東十五里崔嵬雄視萬山之上
定南山 在城西十里明西平侯沐英闕漢駐
兵於此樹坊其上名曰定南山坊跡石址猶
存

席帽山 俗名老哈坡在城西南一里許以形

如席帽得名

蒙洞山 在城西北五里下有洪源洞高二十

餘丈

落蒙山 在城西一里今名古城寨元初建羅

山縣於北

宗孟山 在亦佐城東南五里葬呼山之至尊

者為祖慕訛為宗孟

旱改山 在亦佐城東十五里遇旱縣人禱之

輒應

矣層山 在亦佐城西三里山有清泉居人皆
汲飲之彝語水為矣因名

法番山 在亦佐城東南百里巖壁聳高彝民
禱祀祈年處

龍馬山 在亦佐城東五里石巖壁立每遇微
雨石上如物蠕蠕欲動相傳龍馬出現故名
塊澤坡 在亦佐舊城西十里山崇坡陡紆迴
盤屈之徑劃成鳥形故名其巔為鸚鵡嘴亦
佐知縣邢偉作亭於上額曰若凌霄漢

以則坡 在亦佐城南一百五十里山峻而險
其上有石或蹲或眠如人物狀者不可勝紀
其地產蘭四時幽香不絕亦荒服之勝概也
五里坡 在亦佐城東百里陡峻難行康熙四
十年知縣任中宜督工治平可通輿馬

宣威嶺 在城東十五里滇黔交界迎送之盡
境有亭曰萬里亭明景泰中巡按御史洪弼
立坊其際曰滇南勝境學道壽以仁重修黔
旅至此覺山平天濶東望則箐霧瘴雲天限

二方也

揚威巖 在城西七里山險箐狹中多毒蛇今

無

清溪洞 一名三台洞在城西三里面溪流中

官十餘里與紫泉洞通首火入之有浮屠龍
象芝朶雲英亭臺鐘鼓之屬皆石乳溜結者
騷人遊觀之所

桂花洞 在城北十里洞穴邃幽昔有百尺大
桂根盤洞底枝出洞外秋華時香徹他山今

無

紫泉洞

在清溪洞山後穴與清溪洞通洞口

寬廠有臺數重石乳流結一同清溪中永出
曲折洄澍可以流觴

獅子洞

在城南十里水從洞出波光蕩漾上

下相映可舟可漁

三門洞

在城西北三十里

落水洞

在城西北十五里有竅九十九水溢

從竅出洪源洞

洪源洞 在城西北五里蒙洞山下

天生洞 在城東南一百二十里亦佐地

韜光洞 在亦佐城東南二里炬火可入不知

深遠程封題曰韜光洞

響水洞 源出白水有深潭天生石壩

多羅海 長五里許遇霖雨則汜濫汪汪若海

滇人見澤即云海故名

十里河 在城西南二里合清溪河水至羅平

由廣西泗城達廣東入南海

黃泥河 在亦佐城東百里一名小黃河四時
水色常黃源由樂民所北繞東歸南入羅平
江

蒲織河 在亦佐城東南九十里中生九節蒲
其狀如龍又如織成屈曲迴環盤繞水面
塊澤河 在亦佐城西南十五里源發白水驛

達羅平江

以則江 在亦佐城南八十里

雙碧潭 在城東一里

鯉魚潭 在清溪之上天將雨則水渾既清即

晴

響水潭 在城西八里

黃龍潭 在巒岡山下

古城潭 在古城寨下

關隘

豫順關 在城東二里

宣威關 在城東十五里

分水關 在城北二里

風俗

土瘠民貧俗尚樸質疾信醫巫婚喪循禮男務
農耕女昧紡織人亦好義惟信道釋多長沆故
俗類楚士知向學科第漸出

按漢舊志曰昔之言風俗以道里分今之言
風俗以年世分百年不同又數百十年不同
俗譚景升元結所謂化也然有由鄙野而化
文物者由澆漓而化淳厚者皇風翔洽在事
賢達之教詔觀感為多又有由文物而化侈

汰者由淳厚而化淫慝者則五方游寓之為
也草詞訟走公府誘取子弟產業造為蜚語
皆此儕也走本土之人漢與彝耳諸書所載
陋惡不典者皆彝也今彝且漸化況於非彝
耶

元旦祀天地祖先用桃符門丞往來賀歲
立春日春盤賞春以餅酒饋

上元之夜賞燈張樂次夕男女以類相將遊行
携爆竹插香於道相傳可以却疾火樹星橋

有古風焉

二月三日效修禊事

清明揮柳墓祭

三月三日謁真武廟

二十八日謁嶽廟為東嶽會

四月八日為浴佛會

五月五日懸艾虎繫續命綾飲菖蒲酒以角黍

相饋

六月朔日至六日禮南斗祈福

二十五日為星回節束松苴於街衢醪飲村落
照田占歲

志云自慈善死後人哀之故有此節或云即
古秉昇炎火之意以楚蟲類理或然也

七夕婦女穿鍼乞巧

中元祭先於家堂或焚冥衣楮鏹夜放河燈
中秋以瓜餅祭月

九月朔日至九日禮北斗祈福甚盛

重陽登高飲茱萸酒賞菊以麩簇諸果為花糕

親識相酬饋

十月祀先墓祭

長至相賀五以糍餌饋

臘八日作五味粥

二十日記竈

除夕爆竹飲分歲酒先少後老煨燼守歲四更

迎竈

冠禮今廢

婚禮求親敦請冰人於家讌而拜之至婦家拜

致主人意婦家既諾即讌之二姓互相酬拜
下定儀將娶訂期納幣然後親迎其儀物豐
儉各稱其力

喪禮棺槨殯殮皆從儉戚有力者於塋上銘石
為記惟葬人不用棺槨皆火化近亦用水卜
墓者多矣

祭禮塊肉雙蛋亦以種祀兵燹之餘民俗凋殘
耶致考思耳

廬舍之制與各省異各省止用甍瓦滇中兼用

甌瓦相傳滇中風多明初特勅許用

市肆以十二支所屬之日為率如寅為虎午為馬之類俗呼為銜子日中而聚日夕而罷

交易昔多用貝俗名肥子一枚曰莊四莊曰手

四手曰苗五苗曰索每百索值銀一兩明嘉

靖隆慶間兩次鑄錢彝俗不識格不能行天

啟六年因科臣潘士聞之條奏巡撫閔洪學

力行之錢法始通

見閔洪學奏疏

相繼而行至於明

末每銀一兩敵貝至三五百索後至七百索

而廢貝不復用

古者女子出門必擁蔽其面後世官人騎馬多
着幕羅全身障之猶是古意滇俗婦人出以
錦帕覆面至老不去

周禮三農謂山農澤農平地農也註山農南方
之刀耕大種巴蜀滇南之雷鳴田也澤農江
南之葑田廣東之海簪諺所謂肩水插秧撐
船割稻者也若平地農只可以言中原不可
該遑甸也平莽絕無平原畝若階梯山地無

水種蕎麥豆粱之類大約種稻者皆曰田種
雜糧者皆曰地

滇俗瀘水處皆稱海子高山峻嶺謂之坡呼雲
為雲彩初生月曰月牙畫角為畫曉松苴為
松明高田為雷鳴田謂雷鳴雨沛始得播種
也

種人

黑擺擺

男子挽髮以布帶束之耳帶圓墜一隻披纏

佩刀時刻不釋婦人頭蒙方尺青布束於額
上短衣上披袈裟桶裙結繡上下迴紋手象
牙圈跣足頂帶紅綠珠雜海貝琿梁以多為
勝在夷為貴種凡土官營長皆其類也土官
服雖華不脫彝習土官婦纏頭絲繒耳帶金
銀大圈服兩截雜色錦綺以青緞為套頭衣
曳地尺許背披黑羊皮飾以金銀鈴索各營
長婦皆細衣短壇青布套頭居深山雖高岡
磽隴亦力耕之種甜苦二蕃自贍善蓄馬牧

養蕃息器皿用竹筐木盤交易稱貸無書契
刻木而析之各藏其半市以丑戌日葬貴者
裹以臯此賤者羊皮焚諸野而棄其灰能為
乳酪雜樵蘇鬻於市腥穢侏儒若鹿豕然性
多悍黠好攻掠漢人弗以女妻之

白擺擺

男衣兩截衣裹頭跣足婦人耳帶銅環被衣
如袈裟以革帶繫腰在彝種為次貴即土官
之把事等役是也喪無棺縛以大麻裹壇身

於竹椅前導七人擲甲冑執鎗弩四方射名
禁惡止殺焚之於山既焚鳴金執旗招其魂
以竹簽裹絮少許置小篋籠懸生者床間祭
以丑月念三日揀山榛三百枝於門列篋籠
地上割燒豚每籠各獻少許侑以酒食誦葬
經羅拜為敬婚姻惟其種類以牛馬為聘及
期聚眾誣於女家奪其女而歸性竄情淫酒
病惟祭鬼占用鷄骨

乾羅羅

葬中之氓也多貧被羊皮革帶佩刀每食揀
筋飯中仰天而祝以為報本好勇喜聞殺人
償之以財有讐怨雖父子弟推刃不顧以三
種飲食或用蕨灰為盜居無床蓆男女跣足
以背負重言語馱古今漸染既久風俗丕變
狎葬

習俗儉約男女皆事犁鋤服短衣長裙構樓
而居好食大鼠病不服藥惟務祭鬼相傳為
宋時因罪投荒者祀祖猶類華俗多姓王

平彝縣志卷之四

知平彝縣事於越任中宜纂輯

男 振芳 校

建設志

官署 橋梁

城池 旅途

堤閘 坊表

倉庫 古蹟

驛堡 冢墓

哨 寺觀

鋪 景致

平自元立兩邑分土建官以收臂指之效則金湯之固郵傳之設官舍之建庫藏之謀備矣若夫堤閘有灌溉之功古蹟標名勝之概津梁利涉坊表旌賢是臨民者之所宜知也何敢廢諸至哲人龍壘墓梵宮道觀事既相仿法得附書作

建設志

官署

縣署 即衛守備衙康熙十二年守備李之陞
建大門二門各三間大堂三間辦事房八間
川堂三間後樓五間廂房十四間康熙三十
二年駐劄通判沈宏緒於署在左增建花廳
三間書房三間廂房三間康熙四十一年十
月知縣任中宜於書房後建廚房三間花廳
右建書房二間

典史衙 在縣右舊驛官署

駐防衛 在縣左舊千總署

城池

縣城 明弘治七年建正德二年遷建周圍二里一百六十步高一丈二尺梁口八百六十
四無池開東南大西小西四門建東南北大
西小西城樓五座舖樓十八座天啟二年為
霪益土婦設科等焚明年參將袁善重修康
熙三十八年知縣任中宜重修及東南大西

小西城樓四座

交水城 摩彌部蠻蒙提居此築名取隴城元
即其城立交水縣尋廢明天啟三年五月巡
撫閔洪學重築周圍四百九十七丈高一丈
九尺無池開四門建城樓四座鋪樓十二座
遷右所官軍駐之順治十六年徙霑益州治
於內

堤閘

大壩 在城東六里引水流至

木視槽 在城西北三里設木視於西由張家灣八望門四布分散下溉民田數百畝

倉廩

廣會倉 在署前原貯左所屯糧

交水倉 在交水城內貯右所屯糧

屯倉 一在危勒舖一在張家屯今無

驛

多羅驛 元至元二十年七月開驛路置明因之設於石岑舖之乾橋正德中移東關外康

熙五年移入城屬羅平州驛丞一員舊設馬
六十匹今設五十匹三十四年裁驛丞歸縣
帶理

堡

平彝堡 原名白水堡洪武中設夫一百名以

罪人徙充每名歲支本衛穀九石六斗堡田
一百八十畝名為醬豆田立百戶一員典之

順治十八年裁百戶歸衛千總衛裁歸驛驛

裁歸縣

哨

滇南勝境哨

宣威關哨

楊威堡軍哨

乾橋坪軍哨

山黎果軍民哨

響水軍哨

梅子崖哨

棠梨灣軍哨 以上平彝

永安哨 亦佐

鋪

平葬在城鋪

東鋪 城東七里

石岑鋪 一名多羅鋪在城西十五里

響水鋪 一名腰站在城西三十五里

亦佐縣前鋪

牛場鋪 縣西二十里

水井鋪 縣西六十里

危勒鋪 在縣西七十里上曲靖大道今廢

橋梁

祈嗣橋 在城東七里萬曆五年指揮李厚建

乾橋 在城西十五里萬曆二十四年建

豫順仙橋 在東門外萬曆中軍人張大雲建

紅崖嶂河橋 在城南三里萬曆中軍人葉汝

貴建

石岑鋪橋 萬曆中千戶田嘉禾軍人周良用

吳大金建

塊澤橋 在城東南一百二十里亦佐地兩山
壁立流水甚疾夾岸之間飛駕而渡今無以
舟濟行人

天生橋 在城東南一百二十里亦佐地在塊
澤江上流天然自就

興隆橋 在城東南二百里亦佐地康熙三十
六年創建

亦陽橋 在城東南二百里亦佐地

永安橋 在東南二百里亦佐地

界牌橋 在城西北八里萬曆二十四年分巡
道高荐捐貲撤經歷湯建良督建仍作亭三
楹亭今廢

界牌鋪橋 在城北十五里萬曆五年指揮李
厚千戶田嘉禾建

旅途陸路

滇遠黔路

南寧縣白水關驛東行二十五里有坊曰平
白交界壤接平彝約一里至響水鋪站一鋪名腰

此同居由響水鋪十里至涼水井左右鋪屋敷

處由涼水井十里至石岑鋪司一名多羅鋪中鋪

或宿由石岑鋪八里至揚威哨路旁有明百

無碑今由揚威哨四里濱溪至清溪洞洞面溪

深莖火入之有浮屠龍象也清溪洞右百餘

步有橋跨清溪之上即名清由橋三里至平

葬城入西關縣治在出東關百餘步曰玉真

仙橋雨後有仙人足蹟現橋上舊路入城西

之由橋三里至玉真觀四里至東鋪此鋪兩面

茅屋數由東鋪三里至關坪茅屋十餘間由

亦佐由新關坪行二里路南有池水深十尺

如鏡月由池三里至滇南勝境明巡按御史洪

滇南勝境曰境外百餘步即黔之普安州界

牌有界行四十五里至亦資孔驛屬晉安州

平彝遠亦佐路

自平彝縣城東行十里至新關坪自新關坪

村西折南行五十里至厄勒鋪元亦佐縣設

城故名鋪山巔有故自厄勒鋪四十里至安

土羊場羊場屬霑益州轄橫亘十自安土羊

場三十里至亦佐舊城存有石城一座半址邑舍

自亦佐舊城四十里至水井兩旁有茅自水

井十五里至倒馬坎深箐七八里自倒馬坎

二十里至乾河路左右有節自乾河八里至

東瓜嶺自東瓜嶺五里至下牛場路旁有自

下牛場五里至五里坡陡立難行近自五

里坡二里至黃泥河漢人聚此為一小

宿自黃泥河十五里至沙營昔沙酋自沙營

此自黃泥河十五里至沙營居此

五里至猪場

猪場安州轄

出漠疆接黔界行四

十里至黃草壩由安籠所右門坎達廣西隆

州境

坊表

進士坊 在城西明張琨建今圯

貞節坊 在城中明張濟妻馬氏建今圯

節制坊 在城西關明唐時英建今圯

全陝保釐 在小西關明唐時英建今圯

古蹟

漢平彝縣

滇黔兩志俱失其址滇後紀曰明

洪武二十三年建平彝縣於厄勒鋪任中宜

曰今滇南勝境東十里有平彝所去厄勒鋪

五十里按此漢平彝縣當在厄勒鋪

廢羅山縣

明一統志曰在霑益州東南一百

二十里平彝鄉落蒙山元史曰在摩彌部東

境任中宜曰按此當在多羅鋪非古城寨

舊亦佐縣滇後紀曰在廢縣東五里元至元

二年設在夜苴部巴蘭鄉烏龍箐

廢亦佐縣 天啟四年遷築

黃泥河城 崇禎六年築在城東南二百里未就

普克城 康熙四年亦佐知縣邢偉請遷治普克營五羅村築土垣未就

舊平彝衛城 在縣東五十里厄勒鋪後移古城寨

古城寨 在城西一里明建文元年因險築正統中以山高風烈東遷數百步

廢平彝衛城 弘治七年築正德二年南移二
十餘步即今縣城是

平彝右所城 在縣西百五里故交水縣城其
先摩彌部酋蒙提居此名易取籠城後為大
理國高護軍所奪元初內附置縣今為霑益
州治

仙台洞 在縣西三里樵者聞有奕棋聲

冢墓

張琬墓

在巒岡山下

寺觀

祖師殿

在治西十三里

玄帝廟

在治南二十三里

永興寺

在亦佐舊城東二里

西臺寺

在城西一里古城寨下萬曆中指揮

李厚建明末之祭流寇拆燬康熙九年軍人

陳洪祖建洪祖重修

玉真觀

在城東五里萬曆中由白馬山移建

康熙八年雲南驛益道副使趙廷標使重修

二十二年綏遠將軍總督蔡毓榮重修康熙
十二年知縣任中宜重修

三元宮 在古城寨下明洪武中黔國公沐英
建

白雲寺 在亦佐舊治東南一百里

城隍廟 一在縣治左係舊創康熙二十六年
駐劄通判何孤增建後殿兩廡四十二年知
縣任中宜重修一在亦佐舊治左一在亦佐
東南一百里

關帝廟一在亦佐葛治右一在縣治右崇禎中
總兵陸盈丙重建康熙三十九年知縣任中
宜重修

關聖宮 在縣治東十五里明萬曆中建康熙
三十四年總制王繼文重修

永福寺 在城南十五里白巖山上

東嶽廟 在縣治右

景致

石龍古寺 在縣東十五里滇南勝境地中有

石如龍明萬曆二年作石龍寺於此前列一
亭名曰萬里亭後燬於兵康熙三十四年總
督王維文即亭故址治屋二楹施茶濟渴龍
沒土中四十八年方伯李公華之捐金更新
石龍復見明年春撫滇大中丞郭公璫見之
曰此虬也非龍也因更名石虬亭山界滇域
嶺畫黔疆雲烟駿健金碧曠朗帘影翻雲松
濤振響地盤石龍劫殘空王塵勞暫息行客
徜徉

東嶺晴雲 嶺橫縣治之東山宿霾雲嶺勢遼
廓施運琬琤跨城郭蒼狗變幻娟秀如翟可卜
陰晴嵐光綽約

巒岡翠竹 在東嶺深處去縣十五里綠筠叢
生簇巖穿石陰翳蔽天葱蔚籠日微雨輕風
敲金曼玉宜詩宜酒可詠可築

宣威曉月 在縣治東南十二里宣威嶺下潭
擴數畝水深十尺朔望陰晴見月如壁曙雲
曉星愈湛圓光含玉朶珠夜色蒼茫

玉真仙橋 在縣治東關外大橋上雨後平明
有仙人足印邑人奇之橋架飛虹溪流清泉
驟雨如注寫下真仙往蹟其處足跡宛然
白馬留泉 在白馬上相傳白馬仙駒飲泉
處也石自成池廣不盈丈中涵清泉不涸不
漲清冷甘冽永留仙嶂

衆壑秋潮 在城南里許胡麻橋下洪潦既盡
山谿時流漲滿平田谷鷺浮鷗噴薄盤旋浪
迫響答松楸

清溪仙洞 在城西三里洞去清溪百尺石室
凝雲外敞內深煙蘿掛壁乳滴苔浸奇形怪
狀雕鏤難名香不可測宛貯仙靈

附亦佐八景

烏龍密箐 在故亦佐縣治北盤旋屈曲載飛
載潛時有雲氣微掛其尖

扎村松韻 在故亦佐縣西北十五里茅屋傍
山炊煙濕露響澈松濤幽人獨寤

十里花香 在亦佐故城西五里一望桃李續

矣層名山 在故亦佐縣治西門外山鍾神異
歲時告虔五風十雨民以有年
夜月明潭 在故亦佐縣治東門外一水一月
含光湛徹窈黑蛟宮皎然桂魄

平彝縣志卷之五

知平彝縣事於越任中宜纂輯

男 振芳校

賦役志

里甲經費

戶口物產

田武食貨

鹽法市肆

課程

遊荒巖邑里賦人民不敵中州小縣而通粵蹊
徑險僻商稅無多益非所產來自千里薪平駝
載數倍淮海之價乃額課既定經費復繁無能
少佐國用是亦司會之所難為計也至里布無
征方物免貢寧非

聖朝柔遠之德意耶作賦役志

里甲

民安里

即平葬左所十伍日馬伍劉潮伍陳

鄉伍張斗伍董策伍崔伍張潘伍奠伍田伍

聘伍又割寔益州之地二曰余家堡寄莊

物阜里

即平葬右所十伍曰袁統伍袁卿伍

即科伍李韜伍佐家伍倪金伍王家伍劉鎮

馬伍缺員伍又平葬衛之馬場

慕風里

即亦佐上五營曰阿汪營則章營亦

迫營得村營豐約營

向義里 即亦佐下五營日安定營阿許營普

克營普只營安邊營

久安里 即海土中伍營編十甲今改六甲

長治里 即海土下伍營編十甲今改六甲

戶口 慕風向義久安辰治四里
與寄莊余家堡例不編丁

平葬衛軍丁上中下三則共五百三十丁實徵

銀二百三十二兩七錢二分

平葬衛廢弁舍丁上中下三則共一百八十七

三 縣志 卷之五
丁實徵銀八十一兩五錢

田賦

原額屯地九十頃五十二畝六分七釐二毫一
絲七忽該夏稅本色麥一千一百三十三石
九斗一升三勺八圭八粒內除荒蕪無徵外
成熟屯地三頃四十五畝九分六釐該原徵
夏稅本色麥四十三石八升二合三勺三抄
六撮二圭九顆四粟康熙三十四年內巡撫
石文晟

題准照河陽縣民地土則每畝科稅五升九合
二勺一抄該實徵夏稅本色麥二十石四斗
八升四合二勺九抄一撮六圭每麥一石編
條銀六錢三分九釐五毫八絲三忽該實徵
條編銀十三兩一錢一釐四毫四忽六微七
纖四塵四渺一漠

原額成熟官地四十畝該原徵夏稅本色麥十
二石今照河陽縣上則每畝科稅五升九合
二勺一抄該實徵夏稅本色麥二石三斗六

升八合四勺每麥一石編條銀六錢三分九
釐五毫八絲三忽該條編銀一兩五錢一分
四釐五毫八絲八忽三微七纖七塵二渺
原額屯田二百六頃三十六畝三分九毫七絲
五忽該秋糧本色米六千四百一十五石七
斗五升九合七勺八撮八圭三粒折色三錢
二分米四百三十石該銀一百三十七兩六
錢內除荒蕪無徵外成熟屯田三十三頃五
十七畝三釐七毫六絲七忽六微五纖該原

徵秋糧本色米一十一百一十三石九斗一
升一合四勺八抄令照河陽縣民田上則每
畝科糧八升一合八勺三抄該實徵秋糧本
色米二百七十四石七斗六合三勺九抄三
撮六粒八顆每米一石編條銀六錢三分九
釐五毫八絲三忽該實徵條編銀一百七十
五兩六錢九分七釐五毫三絲八忽九微九
纖七塵六渺二漠

原額官田二十頃六畝六分該秋糧本色米四

百二十一石三斗八升六合折色六錢米一
百八十石五斗九升四合該銀一百八兩三
錢五分六釐四毫除荒蕪無徵外成熟官田
四頃四十四畝六分二釐該原徵秋糧本色
米九十三石三斗七升二勺今照河陽縣民
田上則每畝料糧八升一合八勺三抄該實
徵秋糧本色米三十六石三斗八升三合二
勺五抄四撮六圭每米一石編條銀六錢三
分九釐五毫八絲三忽該實徵條編錢二十

三兩二錢七分一釐一絲一忽一微二纖六塵八渺三漠

原額馬場銀二百六十六兩六錢一分六釐七毫內除荒蕪徵外實徵銀一百四兩二錢九分八釐

亦佐原額民地五十六頃五十九畝三分四釐七毫二絲每畝科稅五合五勺三抄該夏稅本色麥三十一石二斗九升六合一勺九抄一粒六顆

原額葬方原無地畝免丈照納夏稅本色麥四
十石

原額民田五頃六十八畝六分五毫該秋糧本
色米一十一石九斗四升七勺五撮

原額葬方原無田畝免丈照額辦納秋糧本色
米九十石三斗三升六勺

原額條編俱係營火村寨辦納銀七百五十五
兩三錢七分五釐九毫又額辦金價錢二兩
九錢四釐六毫二絲四忽五微一塵六渺又

額辦協濟站銀二十二兩又每石編地畝銀
一錢一分四釐八絲三忽該銀十九兩八錢
一釐九絲九忽九微六纖三塵五渺共條編
銀八百兩八分一釐六毫二絲四忽四微六
纖五塵一渺

霑益州額內就近割歸中下二五營葬地免文
額辦夏稅本色麥九石六斗四升一合八勺
該條銀二兩八錢九分二釐五毫四絲
平葬寄莊夏稅本色麥一石五升

余家堡田二十五畝該秋糧本色米七斗五升
一合七勺七抄五撮條銀三錢七分五釐三
毫九絲五忽九微一纖四塵三渺三漠

平葬寄莊免丈田畝該秋糧本色米二十二石
六斗九升六合三撮條銀一十一兩八錢五
分七釐四毫七絲三忽九微八纖八塵六渺
四漠

中下二五營葬田免丈照額辦納秋糧本色米
二百七十九石七斗五升九合九勺七抄四

撮除荒蕪無徵外實徵秋糧本色米二百四
十三石四斗一升九合六勺一抄六撮實徵
條銀七十三兩二分五釐八毫八絲四忽八
微

以上額徵條編馬場銀一千二百六兩一錢三
分六釐五毫六絲二忽三微四纖四塵一渺
三漢額徵丁差銀三百一十四兩七錢八分
一起運項下銀八百四十四兩四錢九分五釐
六毫六絲二忽三微四纖四塵一渺三漢

一存留項下銀六百七十五兩八錢四分

額徵本色夏稅麥一百四石八斗四升六勺

八抄一撮六圭一粒六顆

本色秋糧米六百八十石二斗二升八合三

勺四抄六撮六圭六粒八顆

鹽法

每年行銷黑井鹽三萬二千六百觔每觔課銀

一分六釐歲該徵銀五百三十七兩六錢

遇閏照加康熙三十五年十月內咨部每

月行銷益二千八百觔內撥霑益州益八
百觔羅平州益六百觔尋甸州益六百觔
課程

亦佐商稅銀七兩七分四釐

亦佐茶稅銀七兩

經費

本縣知縣一員歲支俸銀四十五兩

門子二名每名年支工食銀六兩共銀一十

二兩

皂隸二十二名每名年支工食銀六兩共銀七十二兩

民壯四十名每名年支工食銀六兩共銀二百四十兩

禁卒六名每名年支工食銀六兩共銀三十六兩

轎傘扇夫七名每名年支工食銀六兩共銀四十二兩

庫子二名每名年支工食銀六兩共銀一十

二兩

斗級二名每名年支工食銀六兩共銀一十

二兩

本縣儒學教諭訓導各一員歲支俸銀三十一

兩五錢二分

齋夫二名每名年支工食銀六兩共一十二

兩

膳夫二名年支工食銀六兩共銀一十二兩

儒學隈馬草料每歲照例支銀一十二兩

二
身具三
表之二
鞭春酒席每年支銀三兩

二八月春秋二祭每年支銀二十兩

三七十月厲祭三祭每年支銀六兩

鋪司八名每名年支工食銀三兩六錢共銀

二十八兩八錢

物產

稻之屬八種

麥之屬四種

麻之屬二種

豆之屬十種

蕎之屬二種

稗之屬二種

蔬之屬十四種

菌之屬五種

竹之屬六種

果之屬二十種 花之屬二十四種

木之屬十五種 藥之屬十三種

毛之屬十一種 鱗之屬五種

食貨

油 花椒 蜜 煙 蠟 鹽

銅 麝香 紙 五加皮

市肆

日中為市名曰街子後所未日亦佐申日黃泥

河戌日安定戌日

平彝縣志卷之六

知平彝縣事於越任中宜纂輯

男 振芳校

官師志

官制 知縣

縣秩 教諭

驛丞 訓導

衛秩 典史

兵防 名宦

古者置吏所以安民而設兵所以衛民也平為
滇黔之交蠻裔之境防禦密而撫字字勞不可
一日少弛也明矣是故文武和衷治道攸濟訓
迪得人士風丕變何患夫世之不還於古耶况
功績懋著惠政隆施者父老至今猶能指其爵

平彝縣志

卷之六

官師

九十七

里而稱述之豈前之人有可紀而後之人無推
歟作官師志

官制

羅山縣元至元十三年設元統三年三月裁歸
巡檢司知縣一員餘無考

亦位縣元至元二年設康熙八年裁知縣一員
典史一頁

多羅驛元至元二十年設康熙三十四年裁指
揮使一員世襲指揮僉事三員世襲各一員世襲俱考選

經歷司經歷一員 知事一員 教授一員

左右二所正副千戶十二員襲世 百戶十九

員襲世 鎮撫所鎮撫一員襲世 廣會倉大使

一員

白水堡明洪武二十四年設順治十八年裁一

戶一員

平彝衛順治十六年設康熙二十六裁守備一

員 千總一員 經歷一員 教授一員

平彝縣康熙三十四年設知縣一員 典史一

官師

員 教諭一員康熙四十五年增設 訓導

一員

亦佐縣

知縣

明封存章

雷其曾

房習

余 四川人

李晉亨 貴州貴陽舉人 崇禎年任陞雲南新化

知州

趙敷政江西吉安府進士崇禎中任以病歸

李之駒貴州平壩衛舉人御賜進士崇禎年任

十七年陞羅平州

牟道顯四川歲貢崇禎末年任

朝本邢偉江南丹徒縣生員順治十八年任

何繼芳四川保寧府劍州人康熙八年任裁縣

去

典史

明邊 崇禎年任

黃宗憲 貴州人 崇禎末年任

朝本 周琮 伯康熙元年任 六年故

曹 元 康熙七年任 八年裁去

驛丞 多羅驛屬
羅平州

朝本 張治國 北直人 康熙二年任

林正茂 浙江人 康熙三年任

陳 銘 浙江山陰人 康熙二十四年十二月任

張期爵 河南鹿邑縣人 康熙三十二年十一月

任三十四年十二月裁去

平彝衛

指揮使

明

曹昂南京壽州人由本衛百戶歷陞指揮使

成化三年任故子襲

曹震昂之子成化五年襲故子夢吉承襲

曹夢吉震之子襲職卒子希參降僉事以本衛

僉事陞補

李 璽 山東恩縣人 本衛僉曹希參 降襲以璽
陞 補弘治十八年任 正德六年故子襲

李 淞 璽之子 嘉靖元年任 故孫襲

李 印 淞之孫 襲祖職 故子永甯 降僉事 調雲
南 衛指揮使 張雲皎任

張雲皎 由雲南衛調補 嘉靖年任

張九韶 雲皎子 襲父職 故無子 姪襲

張奇策 九韶姪 襲叔職 故以弟襲

張蘊策 奇策弟 襲兄職 故子襲

張輔運蘊策子襲父職崇禎年任

指揮僉事三員

李俊河南湯陰人正統六年任景泰七年故
子襲

李宣俊子襲父職天順元年任故子襲

李旻宣子襲父職成化二十年任弘治十年
故子襲

李詢旻子襲父職弘治十二年任正德十一
年故子襲

李景茂詢子襲父職嘉靖十一年故子襲

李應元景茂子襲父職嘉靖三十年故子襲

李厚應元子襲父職故子襲

李加培厚子襲父職萬曆二十六年任天啟二

年故事子襲

李成喬加培子襲父職崇禎三年任

李忠山東恩縣人本衛左所千戶功陞本衛

指揮僉事天順四年任成化十八年故子襲

李璽忠子成化二十二年襲父職弘治十八

年陞指揮使以本衛左所正千戶陞補其缺
張義浙江麗水人本衛左所正千戶陞補弘
治十八年任故子襲

張武成義子襲父職故子襲

張守宗武城子襲父職嘉靖初年任故無襲
張守祖守宗弟越數年襲兄職嘉靖四十五年
故

李永寧山東恩縣人本衛指揮使李印子降僉
事隆慶三年任故子襲

李天植永寧子襲父職萬曆二十三年任天啟
二年死事無子姪襲

李繼綱天植姪襲叔職崇禎八年任

曹昂南京壽州人奉衛左所副千戶天順四
年陞任成化三年陞指揮使

盧倫無考

曹希泰奉衛指揮使曹夢吉子昂之曾孫弘治
年間降任故子襲

曹宗岱希泰子襲父職以功陞守備歷任至貴

州清浪衛叅將

曹三聘不知宗岱何人襲無考

曹三捷

曹融

左所正千戶

張儼

張義

張台

張啟玄

左所副千戶

石 堅 湖廣辰州元陵縣人

石 可 印

石 登 明

石 天 柱

田 貢 山東沂水人嘉靖四十五年任

田 樂 堯 萬曆四十五年襲

徐 綸

曹 昂

李英山東恩縣人

李忠

左所百戶

劉文山東膠州人

劉相

劉世禎

劉大堂

劉盡忠

蕭滿

蕭應思

蕭馨

劉佐 山東安樂人

陞任子襲

劉潮

董源 湖廣沅陵人 正統四年陞任故子襲

董文

董全

董勛

董林

董策

董萬鍾

張銘

任貴

張能
浙江

張網

張潘

劉國聘

官師

陳卿

崔憲章

田有功

張善增北直永平府盧龍人

張合麟

張正和

張斗

張昱江南壽州人洪武中任

曹昂

石 全湖廣沅陵人

石 嵩

石 紀

莫 祥湖廣辰州人

莫 源

莫 宣

莫 伸

莫 世勛

莫 世爵

奠儀

賀恩光

賀沐麟

賀瑞麟

所鎮撫

張榮 浙江麗水人 正統二年

張璘 襲

張義 襲

右所正千戶

許俊南京定遠人

許大朝襲

許登瀛襲

許國忠

張淮

張應時

張鏡

張心正

張駿猷

右所副千戶

盧英

盧國卿

盧添瑞

盧政

盧仕清

王朝山東文登人正德三年調任

王國仁

劉世勛

劉天佑

田繼武

田加禾

田濟民

田守禦

陳滄

陳一言

陳朝恩

王用

官師

百八

王繼祖

王喬年

徐漢

郭綱 山東華縣人 正德二年任

郭鳳 嘉靖四十二年故

郭守印 萬曆十五年任

郭中珙 崇禎年任

右所百戶

劉昂 南京江都人 正德二年調任

劉鳳祚千戶天佑子降襲百戶

劉振武崇禎三年任

陳滄

李昂山東鄒縣人正德二年調任

李韜襲調百戶嘉靖八年實授

王武臣山東文登人千戶王國仁子降襲

王加璽襲萬曆三十六年任

邵科

袁卿

佐國寶

倪金

袁統

王恩錫

劉鎮

所鎮撫

湯 洪南京上元人景泰二年任

湯 祥襲成化二十二年任

湯 鑾襲

湯紹興崇禎十二年任

經歷

湯廷良萬曆二十四年任

汪祥龍四川人

教授

葉本桂臨安人選貢明末任

平彝衛

守備

本朝

平彝系志

卷之六 官師

一百一

王守魁陝西人順治十八年任

金邦重鐵嶺人康熙二年任故

盛昌胤陝西韓城人康熙三年任

李之陞陝西盤屋人康熙十年任

張祖淳直隸良鄉人康熙二十年任二十六年

裁

千總

劉堯同本衛人順治十五年任

劉之傑本衛人康熙三年任

劉允譽山西人康熙二十三年任二十六年裁去

丁嗣印曲靖衛人康熙二年任

王國棟山西人康熙十年任

經歷

梁弼河南人康熙三年任

任鏌河南南陽人康熙六年任十二年貴表

京師會吳三桂反沮兵不赴

池銘福建人康熙二十三年任二十六年裁

去

教授

梁 經 四川永寧人

陳鳳鳴 江川人

王德芳

李 霏 大理人

金聯璧 曲靖人

劉體宸 尋甸州 辛丑舉人

張全斌 雲南人 康熙二十一年任

楊邠俊安寧舉人康熙二十五年任裁去

兵防

明平彝衛指揮使僉事領之

三分馬步旗軍二百五十三名

七分屯軍六百四十四名

舍丁二百二十四名

軍餘一千二百五十三名

騎操軍馬九十五匹

軍器二千二百五件

孳牧馬五匹屬曲靖兵備道轄

本朝平彝汎

順治十年設

曲尋武霑鎮委千總或把總

一員帶兵一百二十名駐多羅鋪防守康熙二

十年移汎入城其滇南勝境以百總一員帶兵

五十名分守自滇南勝境至土地坡設馬步十

二塘每塘有兵二名步塘有兵五名

亦佐汎

順治十七年設

廣羅協鎮委千總或把總一員

帶兵一百名防守康熙三十五年四月改曲尋

武霑鎮防守七月以土舍沙維屏沙鼎臣讎殺

移汎黃泥河亦佐改為大塘分兵二十名以百
總一員守之自黃泥河至平彝設大小十塘每
塘有兵三名

塘

滇南勝境步塘

新關坪馬塘

新關坪步塘

豫順關步塘

平彝城馬塘

平彝城步塘

揚威哨步塘

乾橋坪步塘

多羅鋪馬塘

多羅鋪步塘

山黎果哨步塘

土地坡步塘

以上屬平邑汛

黃泥河塘

乾河塘

水塘塘

亦佐塘

阿白寨塘

稗子坪塘

寬塘塘

羊場塘

龍潭塘

張銘堡塘

以上屬亦佐汛

演武場在東門外

右以上經制馬步兵二百七十名內馬兵二十七名每名月支餉銀一兩二錢馬二十匹春冬

兩季每匹月支料乾銀三錢歲需兵餉料乾銀
四千四百四十五兩二錢八分每名月支米三
斗共米九百七十二石截曠有扣遇閏按加額
屢次奉裁
今存什七

平彝縣康熙三十四年設

知縣

趙宗武正白旗籍江南蘇州府吳縣人號時菴
康熙三十五年丑月任三十七年二月左遷
任中宜浙江紹興府山陰縣歲貢號懷庭康熙

三十七年八月任康熙四十五年八月陞
江府新興知州

孫士寅浙江杭州府錢塘縣人己卯舉人號西
冥康熙四十五年十月任五十一年五月行
取去

尹旦生湖廣茶陵州人丙子舉人號清菴康熙
五十一年八月任

教諭康熙四十五年增設

樊之翰楚雄府楚雄縣副榜號佑伯康熙四十

五年十月任五十年二月丁外艱去

馬統乾大理府雲龍州恩貢號駟如康熙五十

一年六月任

訓導康熙三十四年設

時 黼雲南府宜良縣歲貢號果菴康熙三十
五年六月任三十八年十一月故

黃開商姚安府歲貢號貞公康熙三十九年七
月任四十六年四月故

羅其杰雲南府羅次縣歲貢號人瑞康熙四十

七年十一月任五十年十一月調補師宗州
吳丙美雲南府昆陽州歲貢號子發康熙五十
一年九月任

典史

童青選浙江湖州府烏程縣儒士號靜菴康熙
三十五年五月任四十一年五月陞江南蘇
州府吳江縣平望巡檢司巡檢

金世昌順天府大興縣籍浙江山陰縣人字子
元康熙四十一年十一月任四十九年八月

陞廣東惠州府長寧縣詐評巡檢司巡檢
顧時芳順天府大興縣人號蘭齋康熙五十年

七月任

名宦

明

徐宗平葬千戶素有勇畧嘉靖中安海二鄉
焚劫村舍鹵掠商賈大為民害宗常禦之少
戢賊忿甚一日設伏而來見宗佯走宗獨連
之伏起衆寡不敵負重傷猶手刃三人而死

巡按御史立碑于揚威哨春秋祀之

袁善字復虛昆明人習天文精韜畧初任順

寧守備陞撫標中軍轉松潘叅將累著軍功

天啟二年安酋設科糾水西彝祿千鍾等陷

亦佐平彝霑益設諸城善駐松林分兵大破

敵民賴以安巡撫閔洪學疏稱其用兵如神

談笑破敵功陞右軍都督僉事卒贈都督同

知瘡一子錦衣衛指揮崇祀名宦

周嘉映字扶龍雲南中衛人天啟間以武舉署

霑平守備值安紹慶死霑益諸彝謀不軌時
正發兵授蜀映以密書告變謂蘭州之患遠
在千里霑益之憂近在目前宜早為之備語
洩諸彝皆恨之後從叅將尹啟易討賊馬蹟
死之賊函其首以去

曹三捷平彝指揮僉事天啟二年霑益彝婦設
科反海土諸蠻雲集擾亂以應設科環攻衛
城衛城遂陷官吏士民皆犇三捷典操死于
其賊

李加培平彝指揮僉事天啟二年設科臨平彝
城加培領兵克復拒戰於霑益敗績死之

平彝縣志卷之七

知平彝縣事於越任中宜纂輯

男 振芳校

學校志

古者建學所以倫興廉舉孝胥於是乎取之非
特為士子趨榮慕利階也苟徒誦孔孟之言而
實行不敦則亦負

朝廷教學之意而大失聖人之旨矣向者平治科
目未嘗之人後因世道多故士風踣弛遂不振

已今

聖天子加意右文髦士鬱起文體正而德行修將
不次出而致君澤民光榮竹帛者可計日以埃
也至義學為有司育材之地故附書焉作學校
志

文廟

舊文廟三間大成門三間兩廡十間明正德九
年建衛治右萬曆六年重修二十七年又重修
天啟二年為設科燬崇禎八年復建康熙七年

總督卞三元遷建衛治左二十二年綏遠將軍
總督蔡毓榮重修三十八年知縣任中宜重修
增建啟聖宮三間照牆一座櫺星門一座金聲
玉振門圍牆全

學署

舊學署自天啟二年燬後借居民舍康熙三十
八年知縣任中宜建明倫堂三間大門一間往
宅三間廂房四間

祭器

祭器未備照
現存者開

學校

鼎一 花瓶一對 燭臺十四對

香爐十三 爵二十二 毛血盤十四

盥盆二 手巾二 籩豆一百六十五

供案十四張 俎案一張 桌圍一副

牙香盒六箇 帛盤十四 胙盤一

牲盤十四 櫃二

以上知縣任中宜置

陳設圖

白餅

黑餅

榛

菱

芡

鹿脯

爵

和羹

鉶鹽

鱸魚

栗

栗

燭

黍

稻

羊

先師位

帛

爵

和羹

稷

梁

豕

香

鬯

和羹

韭菹

醯醢

菁菹

鹿醢

燭

芹菹

兔醢

笋菹

魚醢

膠析

豚胛

每位一壇

榛

菱

芡

鹿脯

爵

鉶

鱔魚

棗

栗

燭

和羹

黍

稭

羊

四配位

帛

爵

和羹

稷

梁

豕

香

爵

菲

醢醢

菁

鹿醢

燭

芹

笋

兔醢

魚醢

每位一壇

栗

鹿脯

銅鹽

棗

燭

黍

十哲位帛

爵

和羹

豕肉

香

稷

菁道

鹿醢

燭

芹道

兔醢

三身
身二

每四位一壇
文昌魁星名宦
柳賢各一壇

獻官拜位每廡三壇

神位

爵

銅鹽

棗

豕肉

神位

爵

黍

燭

兩廡

帛

神位

爵

稷

香

神位

爵

羊道

鹿醢

豕肉

燭

羊道

兔醢

豕肉

啟聖位祭品視

先師位惟減太羹一太牢一

四配位視十哲惟添豕首一

從祀位與四配同惟減豕肉一

太常紀要曰明正統三年禁祀

孔子於釋老宮令祭物非所產者以所產代

祭儀

先師孔子舊設像稱大成至聖文宣王明嘉靖九年改今稱易以木主

三身具三
卷之二
四配舊稱國稱公今稱某聖某子

十哲以下及門人皆稱先賢某子左丘明以下皆
稱先儒某子增祀后蒼王通歐陽修胡瑗四人
黜顏何公伯寮秦冉荀况戴聖劉向賈逵王肅
馬融杜預何休王弼十二人以蘧瑗林放鄭衆
盧植服虔鄭玄范甯吳澄八人各祀於其鄉申
張今從張隆慶五年增祀薛瑄萬曆十二年增
祀陳獻章王守仁胡居仁四十七年增祀羅從
彥李侗崇禎十五年以張載程頤朱熹進位先

賢列於東廡左立明之下先儒穀梁赤之上以
周敦頤程顥邵雍進位先賢列於西廡先賢顏
澹之下先儒公羊高之上康熙五十一年進朱
熹位於十哲之次

啟聖公祠在

先師廟後明嘉靖九年詔天下並祠

啟聖公叔梁紇舊為王爵今稱公以顏無繇曾點
孔鯉孟激配享宋程珦朱松蔡元定從祀萬曆

二十三年增祀周輔成每於春秋二仲
月上丁行禮

一齋戒

正祭前三日獻官並陪祭官執事人等沐浴更衣散齋一日各宿別室致齋一日同宿齋所散齋仍理事務惟不飲酒不食葱蒜韭薤不弔喪問疾不聽樂不行刑不判署刑殺文字不預穢惡事致齋惟理祭事

一省牲

正祭前一日執事者設香案於牲房外省牲畢遂烹牲以毛血少許盛餘毛血以淨器盛貯祭

畢埋之 具牲須要連皮煮熟共祭

一獻官

本縣正印長官

一分獻官

本學儒職

一祭服

用朝衣

瘞坎

依舊位庭設燎爐火炬

一祝文

維 康熙 年 月 日 曲靖軍民府平葬

縣知縣某等敢昭告于

至聖先師孔子神位前曰惟

神德配

天地道冠古今刪述六經垂教萬世茲惟仲春秋

奉舊章謹以牲帛醴饗粢盛庶品式陳明薦以秋祇

復聖顏子 宗聖曾子 述聖子思子 惡聖

孟子

配尚 饗

啟聖公祝文

維 康熙 年 月 日 曲靖軍民府平

彝縣知縣某等敢昭告于

啟聖公孔氏曰惟

公誕生至聖為萬世王者之師功復顯著茲

因仲春秋謹以庶品之儀致祭以 先賢顏氏

先賢曾氏 先賢孔氏 先賢孟孫氏配尚

饗

一 祭樂

舊用八佾今六佾麾幡一面搏拊二面琴六張
瑟二張祝二座歌一座笙六把簫六管龍笛四
管壎二枚篪一排簫二箇籥三十六枝翟二十
六枝應鼓一面金鐘十六口玉磬十六箇旌節
二柄舞衣三十八件通十九事

樂章

迎神樂奏咸和之曲

大哉至聖道德尊崇維持王化斯民是宗典祀有

常精純並隆神其來格於昭聖容

奠帛樂奏寧和之曲

自生民來誰底其盛惟師神明度越前聖染帛具
成禮容斯稱黍稷非馨惟神之聽

初獻樂奏安和之曲

大哉聖師實天生德作樂以崇時祀無斁清酤惟
馨嘉牲孔碩薦羞神明庶幾昭格

亞獻樂奏景和之曲

百王宗師生民物軌瞻之洋洋神其寧止酌彼金

品惟清且旨登獻惟三於嘻成禮

終獻樂奏景和之曲

曲同亞獻

徹饌樂奏宣和之曲

犧象在前豆籩在列以享以薦既芬既潔禮成樂
備人和神悅祭則受福率遵無越

送神樂奏祥和之曲

有嚴學宮四方來崇恪恭祀事威儀雖歆茲惟
馨神馭還復明禋斯畢咸膺百福

望瘞樂奏祥和之曲

曲同送神

選舉

進士

明

成化五年己丑科張昇榜

張璉官至江西南贛兵備副使祥鄉賢

嘉靖八年己丑科羅洪先榜

唐時英歷官陝西巡撫都御史詳鄉賢

舉人

明

成化元年乙酉科馬文榮榜

張 璉

正德十四年己卯科施 生榜

唐時英

嘉靖十年辛卯科李東儒榜

李朝用 知州

萬曆十三年乙酉科莫與京榜

周應麒

康熙四十七年戊子科田國珍榜

王憲

武舉

本朝

康熙四十四年乙酉科高益榜

馬之驩

歲貢

黃汝金 知縣

龔彦

張道

黃鶴訓導

曹運通

陳堯道訓導

熊配麟縣丞

張應元訓導

戴洪恩

張可聘楚雄府教

曹宗嶠訓導

譚國賢天台縣教

張獻民大理府訓導

翟會衡山教

張一元訓導

劉世敦廣西訓導

郭維城壽昌縣教

劉廷祚

李長春

戴景時

李如桂

戴景霄

李乾榮

戴景象

戴天胤
陝西教諭

鍾天佑

李三晉
陝西訓導

張必騰

李三捷

郭之巖

王大新
山東登州訓導

王仕新

周應麟

董祖舒

張守模

周鼎

胡來臣

張粹養

戴兆龍

夏大任

王璉

段高選

李桂林

李經

本朝

鮑繩廷

劉繼向

鮑佐廷

郭起龍

張銘

朱胤秀

董陳策

楊復元

伯承裕

戴明謨

吳峰

周仕堯

陳王前

劉光藜

施良懷

生員

明

平彝衛 儒學廩膳生員二十名 增廣生員
二十名 歲科兩考 每案取八名 二年一貢

明

亦佐縣 無學附府庠每案取三名康熙八

年裁縣附羅平州學每案仍取三名

本朝

平彝縣 儒學廩膳生員二十名增廣生員

二十名歲科兩考每案取十二名二年一

貢餼糧銀四十八兩

義學

縣城義學

草房三間

康熙四十二年十月
知縣任中宜建

亦佐舊城義學

瓦房三間

康熙三十
八年
知縣任中
宜建

平彝縣志卷之八

知平彝縣事於越任中宜纂輯

男 振芳 校

典禮志 祀典 祀壇

刑牲燔柴王者之崇德報功也凡法施於民以死勤事以勞定國禦大菑捍大患與民所倚賴以取財用者皆得祀焉是故春禘秋嘗禮以秩之誠以通之以召致天地之和無豐於昵也邑厲之制肇自有明用享無祀之魂俾有所依而

不為厲與掩骼之令並致其仁焉事神治民國
之大事非通於天人之際者孰能知其微乎祀
典攸載壇址合昭作典禮志

祀典

啟聖公

先聖

先賢

先儒

文昌

魁星

名宦

鄉賢

以上以太牢春秋二仲上丁日祭

社稷 以少牢春秋二仲上戊日祭

風雲雷雨山川城隍 三主合為一壇春秋二仲

上戊日以少牢祭

厲祭 每年清明日七月十五日十月初一日祭

無祀鬼神

祀壇

社稷壇

在城西

風雲雷雨山川壇

在城南

邑厲祭壇

在城西北

祝文

社稷壇

維

大清康熙

年

月

日

某官等敢昭告於

縣社之神

縣稷之神曰品物資生蒸民乃粒養育之功同

是賴維茲仲春禮宜秋報告祀謹以牲帛醴釐粢盛

庶品式陳明薦尚饗

風雲雷雨山川城隍壇維年 月 日

某官等敢昭告於

風雲雷雨之神

本縣境內山川之神

本縣城隍之神曰維

神妙用神機生育萬物奠我民居足我民食

今當仲春謹具牲醴庶品用伸常祭尚饗

厲祭壇 維 年 月 日某官某遵承

禮部鄧付為祭祀本縣闔境無祀鬼神等衆
事該欽奉

皇帝聖旨普天之下后土之上無不有人無不
有鬼神人鬼之道幽明雖殊其理則一故天
下之廣兆民之衆必立君以主之君總其大
又設官分職於府州縣以各長之各府州縣
又於每一百戶內設一里長以細領之上下
之職紀不紊此治人之法如此

天子祭

天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔為生民未知何故而歿其間有遭兵刃而同傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有被天災流行而疫死者有為猛獸毒蟲所害

者有為饑餓凍死者有戰鬪而殞身者有因
危急而自縊者有因墻屋傾頽而壓死者有
死後無子孫者此等鬼魂或終於前代或殞
於近世或兵戈擾攘流移於他鄉或人烟斷
絕久缺其祭祀姓名泯沒於一時祀典無聞
而不載此等孤魂死無所依精魂未散結為
陰靈或依草附木或作為妖怪悲號於星月
之下呻吟於風雨之時凡遇人間節令心思
陽世魂杳杳以無歸身墮沉淪意懸懸而望

祭興言及此憐其慘悽故勅天下有司依時
享祭在京都有秦厲之祭在王國有國厲之
祭在各府州有郡厲之祭在各縣有邑厲之
祭在一里又各有鄉厲之祭期於神依人而
血食人敬神而知禮仍命本處城隍以主此
祭欽奉如此今某等不敢有違謹設壇於城
北以三月清明日七月十五日十月一日置
備牲醴羹飯專祭本縣闔境無祀神鬼等衆
靈其不昧來享此祭凡我一縣境內人民倘

有忤逆不孝不敬六親者有姦盜詐偽不畏
公法者有拘曲作直欺壓良善者有趨避差
徭靠損貧戶者似此頑惡奸邪不良之徒神
必報於城隍發露其事使遭官府輕則笞決
杖斷不得號為良民重則徒流絞斬不得生
還鄉里若事未發露必遭陰譴使舉家並染
瘟疫六畜田蠶不利如有孝順父母和睦親
族畏懼官府遵守禮法不作非為良善正直
之人神必達之

城隍陰加護佑使其家道安和農事順序父
母妻子保守鄉里我等闔縣官吏人等如有
上欺

朝廷下枉良善貪財作弊蠹政害民者靈必無
私一體昭報如此則鬼神有鑒察之明官府
非諛諛之祭尚饗

平彝縣志卷之九

知平彝縣事於越任中宜纂輯

男 振芳校

人物志

鄉賢
列女

孝義
上司

天之生人原未嘗以地限也故奇偉倜儻之士
崛起而經邦緯國忠君孝親以身殉道者所在
多有若巾幗中之矢志以貞臨大節而不可奪
與鬚眉相映史冊豈盡出之名區耶至侏離之
屬虎狼成性然懾於天威即雕題鑿齒罔不率

俾凡茲蠢爾既就戎

贅簡末焉作人物志

鄉賢

漢東

尹

珍字道直牂牁郡平彝人桓帝時自以生

於荒裔不識禮義願從汝南許慎應奉受經
書圖緯學成還鄉里教授於是南域始有學

晉

謝

恕字茂理牂牁郡平彝人咸和間寧州為

李壽所破有南中地惟恕不從獨保郡城以
事晉官至撫彝中郎將寧州刺史

傅實字紀圖牂牁平彝人仕至尚書郎長安
令時號南中人傑

明

張璉字廷璧平彝衛人成化己丑進士授南
刑部主事歷員外郎中以明允著遷重慶知
府遇事迎刃而解郡中翕然大治丁外艱復
補重慶治績卓異弘治初南贛閩廣彝寇為
亂擢江西兵備副使既至繕城池積糧糗練
士卒修器械設險隘防禦建七縣城堡人皆

稱便偶與當事論不合拂衣遂行於是盜復起江西巡撫鄧廷瓚疏奏南贛不可一日無璉特詔留之璉更築南康城新學校盜聞風解散尋以疾辭官璉剛直不阿盤錯立斷墨吏斂手比歸橐中無餘資

唐特英字子才號濟軒平彝衛人嘉慶己丑進士授平陽令問民疾苦知賦稅不均遂銳意履畝清丈凡六閱月得其平又疏陂塘興水利會明年大旱民得以濟陞戶部主事歷員

外郎中擘畫周詳為大司農所器重知真定
府有水鏡之頌晉貴州副使歷右副都御史
巡撫陝西時西虜為警烽烟不息英曰虜不
足患患四鎮不協心耳遂和四鎮復建奇策
入告西虜果不致為患邊鄙晏然御書忠勞
二字賜之致政歸置義莊周貧乏衣布茹蔬
多所修建卒子祭葬從祀鄉賢

上
美
景
志

卷
之
九

五
四
一

孝義

明

李騰龍亦佐人有二弟前離襁褓祿父重賢將終騰龍號泣父曰善視二弟吾如生矣卒廬墓傭工養二弟教以讀書皆遊郡庠事母尤孝知縣雷其曾以孝舉年七十猶廬墓側

楊汝貴亦佐人少孤且貧母劉氏疾望斗拜泣願以身代會有彘亂寨民皆逃母以疾不能行汝貴閉門侍母不離竟未被害知縣李晉

享舉為孝子

李 珍亦佐人郡諸生父亡母文氏哭泣損目
珍因齋戒終身不離左右曲盡孝養知縣趙
敷政以孝舉年近五十子孫衆多珍以母盲
奉侍衣食親執不怠

李一鰲亦佐人年十三母陳氏病危剗股療之
知縣房習舉以孝

李 益亦佐人事無考

列女

明

張 濬妻馮氏平葬人濬邑庠生卒馮守節不
嫁嘉靖七年旌其門

李 文妻戴氏平葬人年十九夫卒遺二女無
子姑欲奪其志自經死嘉靖二十二年有司
旌其門

楊德成妻李氏亦佐人年二十二夫死守節嘉
靖中有司旌其門

張武成妻曹氏武成平彝指揮僉事早卒曹撫
其二孤不嫁以張氏婦終焉未旌

本朝

吳傑妻呂氏傑客死廣南府呂矢志守貞事
姑以孝遠涉千里移夫襯歸教子吳峰成名

康熙三十七年

詔旌其門

土司

左縣丞

明

沙普額元時為亦佐縣首長洪武初歸附授世

領縣事後以不法事降丞仍世襲

沙中玉襲左土縣丞

沙正中玉子襲左土縣丞

沙騰蛟正姪萬曆中襲左土縣丞

沙運泰騰蛟子崇禎初襲左土縣丞無子崇禎

十三年削籍

右縣丞

龍海元時領越州事洪武十四年歸附仍為

酋長世襲子

阿資襲土知州屢叛洪武二十八年沐春等

擒斬之削職以其地入流分屬鄰近州縣置

平彝越州衛以鎮之

祿寧資之子永樂三年劉楊二戶引之入貢

詔授亦佐縣右土縣丞以越州附近村庄與

之移駐亦佐縣與沙氏並為左右土縣丞卒
子業嗣

海業寧子襲右土縣丞業卒子潮嗣

海潮業之子襲右土縣丞以功加州叛服色

潮卒子宇定嗣

海宇定潮之子襲右土縣丞宇定卒子文明嗣

海文明宇定子襲右土縣丞文明卒無子姪現

銀嗣

海現銀文明之姪襲右土縣丞現銀卒無子叔

起龍嗣

海起龍現銀之叔襲右土縣丞起龍卒子得明

嗣

海得明起龍子襲右土縣丞得明卒無子弟自

明嗣

海自明得明弟襲土縣丞自明無子姪濶嗣

海濶自明姪襲土縣丞順治十六年歸附康

熙八年裁縣九年五月安插越州濶私結廬
於竹園村不去十二年從吳三桂反授偽都

司職率兵拒戰兵敗亡歸二十年復滇濶隱
跡深箐使其長子海細乾出降細乾未襲故
次子納乾嗣

海納乾納乾濶次子康熙三十四年改平彝縣
土縣丞三十六年死以妻隴氏撫子海天盈
管事三十九年隴氏死以濶妻隴氏撫孫管
事四十二年天濫未襲死以堂叔海一清嗣
海一清起龍元孫起龍生誠明誠明生海
濶海濶生一清康熙四十三年襲四十四年

三
身
具
志
卷
之
六

故子海泰未襲故藏珍嗣

海藏珍康熙四十六年襲

平彝縣志卷之十

知平彝縣事於越任中宜纂輯

男 振芳校

藝文志

御製

奏疏

記

詩引

藝文之志所以光聖謨而揚風雅也然讀書好古之士每以闕畧為憾况前編淪落文獻罔微洵可惜也若地處周行騷人相望其果吐咳珠玉烏能盡收之以八邑乘耶故惟據其近所見知者備錄於左庶幾存什一於千百以待後之

君子焉作藝文志

御製

明御祭唐時英文

萬曆七年歲次己卯三月丙午朔十二日丁巳皇
帝遣雲南布政使司參政李良臣諭祭巡撫陝西
都察院右副都御史唐時英曰維爾蚤擅經術蔚
有才名奮跡制科筮官邑宰歷郎署而出典郡符
躋某司而荐更方岳靖共厥職所至有聲逮簡擢
於撫臺俾保釐於全陝三建防秋之策克宣却虜

之威尋指摘於人言遂投間於故里官守竟昭於
國是清修益重於鄉評頃報令終夫復何憾爰嘉
往績宜叙優恩諭祭特頒兆瑩兼飭惟冥靈之不
昧其祇服以時歌

奏疏

本朝

裁平彝衛疏

雲貴總督
范承勳
蘇州人

看得滇省都司衛所設自明時蓋仿古寓兵於農
之意我

皇朝一統設兵置鎮在在控制軍民糧差同其輸
應已於康熙初年間先後奉裁曲靖等八衛中屯
等十一所歸併各州縣又於康熙九年間奉裁在
省左等六衛歸併都司尚存平彝大理永昌騰衝
瀾滄景東等六衛楊林木密馬龍新安姚安等五
所仍屬守千等員管理後因都司不便催徵復
題設左右二衛守備二員分管臣到任後即行該
二司查議茲據布政使李世昌按察使蔣寅會詳
稱衛軍既無防守之責又無調遣之例似不必更

設官以糜俸食等因臣復行駁確查滇省軍衛地方寄居各境則裁衛所歸有司允屬相宜合無如該二司所議將復設之左右二衛見存之平彝等衛楊林等五所裁去其田土軍餘即查各附近之州縣歸併管理再都一官原有通省考成職掌今衛所裁既已盡裁而留此空員似於名實未稱亦應一併裁去計應裁都司一員衛守備八員衛所千總九員經歷七員衛教授七員雖節省俸糈不過三千六百餘兩而冗員既汰供費較省軍困稍

魁其於

國計民命未必不無小補也

請給驛堡銀七錢三疏

巡撫王繼文
廣寧人

看得滇省驛站錢糧准部咨文給全錢因係產銅之地錢多價賤驛堡苦難堪經前任撫臣石琳題請仍給全銀部覆未允何敢再瀆但臣自到任以來節據各驛堡員役人等紛紛籲訴批行驛監道僉事王照查議茲據詳稱滇省驛站設居崇山峻箐夫馬奔馳倍苦他省而錢價又復甚賤每錢一

千值銀三錢不等再赴蒙自等局支領往返跋涉
除駝運盤費合算領錢一千正得銀二錢有餘馬
匹無可喂養夫役難供饘粥此項工料均屬計口
授食請照兵餉之例

題給全銀等因前來臣查制錢壅積向緣鼓鑄未
停今蒙

皇上洞徹萬里將滇省爐座盡行停止目今行使
時值甚賤若將驛站仍給全錢則苦累日甚恐致
馬斃夫逃難於整頓仰懇

皇上弘恩自二十九年為始照依兵餉之例准給全錢銀或照各省以銀七錢三支給俟全書頒到在於有驛州縣地丁錢糧撥給度驛因得甦沾沐皇恩於無既矣

籌請屯荒減則貼墾疏

王繼文

看得滇省每年額糧通共米麥等項二十六萬餘石而屯糧實居其半歷年供撥兵糈關係甚鉅第屯田一畝之科幾納民田十倍之徵是以拖欠逃荒年甚一年臣自再莅茲土以來訪求民隱而布

聖澤惟此屯田一項最為漢民苦累近蒙
皇上沛無疆之德將康熙二十一年起至二十七
年止屯賦參欠錢糧盡行蠲免一時老幼咸懷再
生從前重困始得暫釋但額賦豈容再寬輸將已
無遺力臣再四籌維有老荒重額田地一項小民
終年畏棄已成廢土若使減則賠墾尚可藉補虧
懸行據布政使于三賢署糧儲道事永昌道恭議
畢忠吉議將前項老荒地凡係連年見納軍糧
之人承墾者將屯田地之上中二則六年後悉改

為民田地之下則起科屯田地之下則十年後改
為民田地之下則起科以補賠累之苦其不係見
納軍糧之人承墾者六年後將屯田地之上中下
則悉改為民田地之上中下則科仍令地方官量
借牛種及出陳米石務使力耕有成至於民間荒
廢田地其上中二則倣照豫省六年後係中則者
照下則納過三年再歸中則上則者照下則納過
五年再歸上則之例起科其下則田地請於六年
後減半三年再照本則起科并承墾後即為己業

用備貼墾事宜臣伏見

皇上愛民至德有加無已凡重農廣粟之例莫不
一一舉行必使四海無不獲之夫九宇有益藏之
富今漠田地本屬硠薄屯民尤困追呼若以拋荒
不墾之田補其重額難支之累及民荒田地一概
極力勸墾不但正額可以充實新賦亦可稍增

請減屯糧疏

巡撫石文晟奉天

題為密陳屯糧之重卹析

睿裁以廣

皇仁事竊惟經

國必先裕課體野端在足民故正賦自貴充積而
民瘼亦當痼瘵臣本庸陋世受

國恩蒙

皇上曠典以郡叨此邊疆重任敢不竭盡駑鈍以
報

高厚故自莅任以來諮詢地方利弊體察吏治民
生其間之生聚殷繁安藝樂業熙熙皞皞如入時
雍之世此皆

皇上聖德滂流所致惟是猶有重困於民者不敢
以上聞也查滇省屯政因明初沐英世鎮雲南將
帶來官兵分作十分以三分差操七分屯糧即以
七分屯種之租以養三分操軍此即古之寓兵於
農原非上倉糧米可比迨我

朝定鼎順治十六年關滇吳三桂遂將昔日之租
改為額徵之賦及後變亂之時罔恤民艱任意坐
派致使各軍紛紛逃竄因而遺累存丁典鬻納苦
難殫述幸賴

皇上天威殄逆民得安全但浮糧過重仍困輸將
計恢復之後自康熙二十一年至二十七年也銀
米穀等項歷年拖欠此非軍戶敢於頑抗亦非各
官不善催科總因糧額太重血比難完業於康熙
二十八年內經前督臣范承勳署巡撫時特疏
題請分年帶徵隨蒙

皇上持頒

上諭朕念雲南百姓前曾供億王師繼又遷移
叛屬家口運送勞瘁本年正賦輸將尚屬難復全

帶徵通租必致益滋困累著將歷年所欠屯賦銀
七萬二千二百餘兩米麥等項十萬七百餘石盡
行蠲免以示朕軫念民生至意欵遵在案則彼時
題請帶徵早蒙

聖恩隆重恣荷蠲除是此項屯糧徒有重額之名
並無清完之實應應可考久在

皇上睿鑒中矣况各衛所久經裁歸有司是在前
日猶存軍戶之名在今日則無軍民之別一切徭
役自應一視同仁乃查通省民賦上則田糧最重

者莫如河陽縣每畝八升一合八勺三抄其餘五
六升以至四五合而止上則地稅最重者亦莫如
河陽縣每畝五升九合二勺一抄其餘三四升以
至二三合而止及查屯田每畝則有七斗二升六
斗八升五斗六升至四斗五六升不等屯地每畝
亦有三斗八升至一斗五六升不等夫軍民田地
阡陌相連肥磽相若天時人事耕鑿播種亦無不
同何至輕之屯額則屯賦與民賦竟有十倍之重
所以屯軍終歲勤種收之穀不遑贍顧父母妻子

惟事納糧而究竟不能以一畝之出全完一畝之額故康熙二十八年臣叔石琳撫滇時旨編輯全書業內將此屯糧重困叙入滙陳未經部覆而以後督撫臣未敢復請者蓋以

國用浩繁豈容遽議輕徭況各省屯糧皆重猶不敢獨為請減是以前撫臣王維文不得已於康熙二十九年有屯荒減則貼墾之請也但江浙等省屯軍現今頒運且有船隻行月漕截等項給贍養滇省屯軍則無此項贍養兼之衛所既裁軍即是

民則與別省迥異況此軍戶係沐氏帶來官弁並非發遣有罪之軍所納正供似應與民一體矜恤臣於康熙二十二年守開化時早已深悉今撫茲土見煙竈相連林林總總生聚寔繁大非昔日氣象此雖邇年以來前督撫臣撫綏之力寔沐皇上柔遠弘恩所致惟此一項因兵逆作亂時各軍多半逃竄殲逆之後前此逃丁或遭兵火或戀他鄉間未回里以致遺糧賠累本以量重之糧又後復色賠逃戶日復一日重復更重故於康熙二

十八年以來仍舊歲歲不清每遇

奏期各官俱愛功名竭蹶借墊者有之以欠捏完者有之一遇陞遷事故便束手無策百計哀求逢入募助洵不可悉數也臣自入境以來目觀荒蕪田地甚多百姓甚眾及抵任後披閱各屬詳驗報墊無幾隨行飭催旋據百姓紛紛具呈迹糧額過重無力開墊懇請

題減復批司道查詳所議僉同總欲為民請命臣思減賦薄稅非臣子所敢輕議祇因多寡之

數甚是不侔苦樂之形異當各別今我

皇上恩同天地德邁唐虞頻年蠲賦不惜數千萬
金是恭逢

聖明在上今此民隱若不據實上達負百姓即負
我

皇上矣况滇省僻處遐方係外域觀瞻之地不得
不冒昧陳情如荷

聖恩將此屯糧志照河陽縣則例起科不特現在
軍餘易於輸納即未墾荒產臣自鼓勵名官加意

勸墾亦無有不踴躍樂墾者也仍將墾過數目隨
具報按年科徵是減賦於今日安知不增賦於將
來也理合恭疏

題請但發政施仁端望

皇上特霽洪恩臣何人斯敢以瀆
奏謹具密本如果芻蕘可採伏乞

皇上特頒

上諭或令臣等會查或

勅部臣議覆則九州四海無不頌

一 事具三
卷之
皇上端居深宮之中明見萬里之外共樂被
深仁厚澤於靡涯矣至此項額糧如邀

恩減而通省兵食或有不敷則現有本省折徵米
麥等項可以仍徵本色撥給似可毋厘睿懷也再
查

題奏事件如不應密而密者有千定例但此邊疆
減糧重務相應密請

皇上睿裁字多逾格貼黃難盡可否允行伏乞
聖明全覽立賜

乾祈施行為此具本謹密題請

旨

康熙三十四年五月初一日具題六月二十

日大學士伊桑阿阿蘭泰張玉書學士戴通
可赫禮齊穡顧藻徐嘉炎張榕端以本折啟

奏奉

旨伊所奏本內止言屯田雲南省有官田公田馬
場等項伊本內並未指明也等田地有無在所
奏屯田之內又此等田賦若行減額照民田則

例徵收雲南省應給兵糧可否足用爾等以此
行交詢問石文晟令伊詳志籌算明白具文回
覆欽此 內閣照會巡撫作速查明具覆可也

請設平彝縣治疏

康熙三十四年十一月

王繼文

看得滇黔兩省乃極邊之重地臣蒙

皇上隆恩陞授總督任大而責重夙夜兢無由報
稱凡屬兩省政事臣惟竭盡愚誠俾綱舉目張以

仰

副

皇上柔遠安邊至意所有平彝縣治之設謹當特
疏陳情者也查平彝為滇黔接壤四外蠻藪而中
則要道也舊係衛治設有守備經歷教授等官康熙
二十六年內前任督臣范承勳將全滇衛所議
裁而平彝一衛勢難獨留是以一併題請分歸別
屬在案誠有見於多一官則多一費冗員不可不
為節省但自裁衛以來案據士民董陳策陳王前
等籲請設縣以資彈壓又因彼地遼濶狡彝出沒
不當奸民往來最雜自平彝上至滇之霑益州下

三身具示
卷之二
至黔之普安州共計四站約遠二百七十餘里竟
無即官居中分守凡軍需政務餉鞘逃人等項需
員接應每委曲靖府通判赴彼料理顧此失彼究
非印官專任其責者可比兼之普安等處界聯平
彝向食滇鹽或可無分彼此今蒙

皇恩遠播改食川鹽若無印官督率捕役於衝僻
路徑分頭巡緝則滇鹽味苦價貴川鹽味原價賤
小民喜賤惡貴私相買食不特川省私販乘間入
賣即滇省私販亦將乘間出買兼恐附道蠻彝勾

引生事慚成聚訟之場問之弁兵則防守難周間
之州縣則稽查甚遠滇省黑井數萬課額較前更
恐難銷此平彝縣治之亟宜請設也彰明較著矣
茲據布政使于三賢按察使佟世雍糧儲道副使
張仲信驛益道副使于嗣昌提學道副使張倬等
會詳委員勘明將平彝舊額仍舊歸還并將附近
羅平霑益二州徵收之亦佐即中下位兩營勲庄
余家堡等處改歸共徵夏稅秋糧正耗麥米一千
七百六十四石五斗八升零共徵丁差等銀一千

三百二十九兩七錢七分零商稅銀一十四兩九分零在他省固屬小邑在滇省實為中縣等因造冊詳請前來合臣所議均屬相符相應恭疏題請將平彝廢衝賤為平彝縣治設知縣一員典史一員訓導一員鑄印銓補其多羅驛原在平彝城內并請將驛丞裁去歸縣管理平彝縣學照依中學進取文武童生各十二名以為育才廣教之治如是則地方永得安靜蠻彝有所轟服私販無由侵擾盜課免致壓欠且於滇黔出入咽喉重地藉有

即官分守邊方不無裨益再照學宮衙署等項尚
有原屋臣等自當捐修合併聲明除將設縣事宜
造冊送部外臣謹會同雲南撫臣石文晟合疏具
題

重修平彝衛學記

平彝衛張全斌人

粵稽天地鍾芸生而獨畀靈於人毓羣黎而必萃
精於聖以聖人能成人成物而贊化之所弗能為
者也故生數聖人於始養欲求民得以遂其生安
富壽而治統以昭生一聖人於後開厥心思民得

自見其仁義禮智而教統以著此素王之所以有
裨於民物有功於羣聖補救於乾坤者也雖文明
之運昉乎羲軒繼以二帝紹以三王而道脈相傳
但吾夫子出有其德而無其位易治統而為教統
闡庸道叙彝倫還人心於淳厚勢處羣聖之所甚
難功為萬古之所獨絕凡有血氣心知者罔不服
其風哀其教相安於君臣父子之間潛移其性情
入於善治而不自知甚矣哉聖人之弘也與天地
而相終始者也是以有教養斯民之責者靡不修

崇廟典以彰風化為生民之攸賴也平葬為入滇
首衛學肇於明人交間出疊因兵燹廟宇傾敝人
才失其教育士習未克丕揚茲值督撫會題修葺
滇黔各屬文廟平葬獲遇綏遠大將軍雲貴節制
使蔡公毓榮按臨荒衛見廟埋衰草座籠飛塵捐
金五十重修舊址藩司李公世昌捐金二十千郡
侯柳公景芳捐金十兩共襄厥成通學庠生成出
銀米兩所軍民各助工役衛守張祖淳捐金二十
千經驛斌各捐數金管理方之泰竭力贊襄故雖

水獲鳥革翬飛竹芑松茂而草創有基俾後之君子得以講學於斯習禮於斯黎老快其觀瞻小子得以有造皆大將軍之作人也大中丞之振興也藩司郡侯之裁成也故記其巔末為後重修之君子勸

清溪洞記

明副使張敦仁鹿水人

清溪洞去平彝僅五里洞去溪僅百尺然平彝溪流以百數而此水獨清故以名換洞亦因以名云洞東向右一小出斜掩故遊人至洞僅咫尺猶未

得見磬折而入洞始豁然洞門高十餘丈濶似之
洞內其平若堂可坐百客再折而上其高若臺可
坐數十客臺之後一洞深窅洞口則石乳垂垂各
極天巧而當中一石下垂至地其色微白若玉柱
然洞之內多怪石有似鯨者有似處豹者皆作外
奔狀詢之土人謂此洞深不可測中有石如儿如
榻如鐘鼓叩之有聲欲如觀非連甚不可予曰此
豈神仙宅耶塵鞅中人不得為神仙辱故弗入洞
之左別有洞勢頗低窪可容數百人稍後勢漸高

怪石峻嶒如憑虛樓閣好奇者每攀蹬而上又其上為絕壁有穴如小龕一僧跌坐其間短衲穿結扣之下乃下庵之上復上輕利如猿猴人咸異之嘗謂雲貴之水多伏流水所出入而洞因之故未甚稱奇此洞迥出山椒若神劈鬼鑿非他洞比奇哉乎葬去滇數百里去京師又萬餘里地愈僻洞愈隱人跡罕到而洞之名未甚章章也惜也時同遊者大參高泉謝君憲僉一江梁君閻師裕庵趙君皆有事茲土而參戎魯峰曹君則鍾靈此山者

也副使白出張子以齒借長故為記去

清溪洞記

南寧程封休寧人

黔入滇之六十里有城曰平彝去城三里許有清溪洞傳者謂洞下有溪水流入此獨清故名焉洞日軒敞初入若堂可坐百入再上若臺可容數十人大石壘壘下垂若桂桂以內幽闕不可人遊者淺視之謂觀止矣順治庚子十二月予隨郡守李君司馬俞君別駕陸君遊焉望洞中不知其深之所至遂勃勃心動欲往入不果明日復遊命

土人執芑嚮導先入予隨郡守諸君各多携史胥
僕從奮勇以行不數武洞勢陰闕羣火無光予生
怖悸不欲入奈前後左右皆怪石峻嶒中通一線
兩人相牽後人踵前人履跡援引而上前人隨土
人火光因得縱觀所謂石床者石几者石田者石
塔者石笋者銳而出為虎牙者尖而背為熊耳者
角而嶽為牛首者冠而峭為雞頭者奇形怪象不
可名狀再入里許旁一小罅僅可容一人偃倭屈
曲而入若石級然中若堂若廡門戶垣壁俱備郡

守曰此仙人修煉所也天造之巧非五丁之力所能鑿成行到石巖窅察之際又以觀止矣土人云尚十餘里與紫泉洞通遊人畏險難不欲入及出土人謂旁一洞上有石鐘石鼓在焉急命吏百尋至其地皆石笋垂十餘丈持石叩之噌吰有聲雖鐘鼓之響不能亂也再出又見石柱恣自平地岷然特起似有骨氣人決無阿附其石之高者仰視在十餘丈上非絙索扶挾不可得而登也因思不鐘山記云事不目見耳聞而臆斷其有無可乎予

小視天下以爲茲洞中於天下不僅用於滇也而
未嘗見稱於昔之遊者豈昔人盡皆皮相即一山
亦必待入而得各耶予從郡守諸君驚訝久之時
筮大漸微曠然得明喧笑而出

募修平彝衛學引

平彝介於滇黔門戶之區其立學不知其所自來
大約數百年前事也前人創之甚易後人修之其
難自予入官之後常以迎送過境上見聖廟飄搖
於風雨傾圮於荆榛瞻視環統嘆息咨嗟而不忍

去者於茲五年矣平葬有衛衛有幕衛幕梁君走
函索予為序意在修舉廢墜崇敬祀典予向竊難
之難之者何也平葬連年水旱諸士子家無積儲
是救死不暇其難一修學之舉非大興工匠廣羅
木石則事不可成平葬四面環山木石易採求之
工匠誠罕其人其難二衛學裁去學師歸併南寧
令攝之南寧遠在一百五十里之外今之所議誰
董其成其難三雖然百姓小人重財輕義不知聖
人之尊六經之大將視學宮為可緩可急之務是

固可以不修今

朝廷治平

天子聖武滇南處在萬里之遙平葬又當戎馬之
衝正宜粉飾學宮振興文教銷反側於禮讓之中
弭禍亂於獻酢之內是固不可以不急急舉行也
夫孔子不嘗封文宣王乎今孔子至今尚在應以
王禮事之而使其有位無屋甘心敗靈於瘴霧蠻
煙之下非禮也孔子不常春秋二祭乎如子孫之
祭其祖父也為人子孫而使其祖父之廟毀而不

修則是北面跪拜皆虛文而非至教子孫孝慈者
固如是乎且昔之難而今易矣今年年歲順成士
子易於捐助年既成矣工匠之遠者易於鳩集平
葬學篆仍歸平葬又易於董率生徒而更新之倘
此時而議者曰平葬殘劇困憊之餘其力斷不能
以議及於聖廟則是終無修舉之日也予執筆而
歎焉

在城等十堡歸驛議

鹽驛副使郭廷弼
盛京人

看得驛堡之設其名雖殊其事則一前有驛丞張

魁耀等因造報奏銷冊籍將各堡給支工食銀兩
附在各驛項下又給支領狀必用驛記鈐蓋誠恐
支領錢糧則係外委之堡官管轄遇有舛錯失事
則參罰又在部選之員代過所以驛丞張魁耀等
有任勞難以任過乞賜歸併之呈也蒙批查議本
道謬議目今差使漸少非往昔軍務浩繁支應不
暇者比若以堡歸驛各該驛丞可以兼顧而責成
又專或無互諉之擾遵奉憲批當即轉行雲曲二
府確議妥報去後今據兩府詳稱向因滇中

王師克復之初軍務旁午驛遞應答繁劇肩其任者不無掣肘分應之虞今已蕩平三年所需夫馬循序而來以堡歸併驛已屬裁冗員而成畫一當無南悞惟是新經歸併只恐驛官支應不均腹削滋事堡軍未必相安應請嚴飭各驛員出具印結報查務須秉公發給工食不得以夫代馬應差俾堡軍欣然効力無悞庶使謹慎從事不致立法而契生等因前來應如兩府所詳俯將在城等拾堡歸併漢陽等八驛驛丞張魁耀等兼管務令秉公

勤慎約束軍餘應答連送仍取具印結不許徧徇
滋擾貽悞風火如有尅減工食及以夫代馬應差
等弊一有不公定行詳報究處可也

康熙二十三年七月總督雲貴部院蔡毓榮
批既經府議僉同如詳行仍將某堡歸驛造
冊同結報查雲南巡撫王繼文批既經再議
無異如詳行倘此後各驛以夫代馬及任意
騰那等弊不行覺察亦惟該道是問也

明唐時英墓誌銘

李元陽大
人理

公諱時英字子才濟軒其初號也里居號一相居士先世湖南人高祖玄二公以戎籍徙自長蘆遂世居曲靖之北關曾祖義妣場祖洪妣鄭皆隱德不顯考經封主事妣伍氏封太安人生公甫十餘歲能屬文治尚書日誦千言嘉靖己卯舉於鄉己丑登羅洪先榜進士授平陽縣知縣始至問民疾苦惟賦稅不均大為民病公銳意以履畝量田為己任白於大府大府曰此美政也其如豪右何公曰天子以百里人之命付臣當盡己命以圖之於

是不解怨謗不避險難暴於烈日中面汗雨滴不以為勞首尾六閱月而一縣之田腴瘠高下無不得其情矣冊呈大府深加讚歎遂成不刊之典縣有陂塘歲久於淺公度田興役富無巧免貧不獨勞儲蓄有則啟閉有期明年大旱果得水利隣縣所獲劣於平陽百姓以公為神君焉乙未授戶部主事委理通倉時新革內官出給皆由主事公與諸僚盟曰今日之事同舟共濟時也苟二三其德狐鼠時乘吾之隙矣時內官方偵伺以中之一年

之內秋然有理井然有條官軍使之竟無異議通
倉至今守其法而不移再委權稅允江俸薪自給
襟度蕭然取前人雅語揭之庭柱曰寬一分民受
一分之賜蚤一刻舟行一刻之程以此自勗常日
在之雖賓旅燕飲酬應紛然紛終不以彼而妨此
也其年考課以公為戶曹最丁酉皇太子生推
恩得封父母及本身文林郎妻張氏安人己亥晉
員外郎督理銀庫前官下錦衣獄人為公危而公
始終擘畫如法雖毫釐無不詳且盡焉大司農深

器之庚子晉郎中辛丑拜直隸真定知府時虜犯
井陘真定屬邑也先是總兵未稟方畧調度不前
公至示以所應趨避兵未動而虜遠遁去人謂公
之先聲有以卻之真定名雖為府實則直隸之劇
藩也况地在要衝政連畿甸朝言於戶暮傳於京
居是官者率多為蜚語所中公居之坦然不執不
隨庶務之來立加裁決出納錢穀纖毫無爽訟無
留獄案無滯贖賦去其私徭省其冗在任三年凡
膺十荐神明之飯水鏡之頌兒童走卒莫不知之

公去三十餘載人之稱之有如一曰甲辰晉貴州
按察副使便道省覲二親榮壽喜不自勝擬上疏
乞休二親勉之曰汝為憲臣能忠於國即克孝於
家矣豈有二道哉公不敢違乃之任丙午丁母憂
遷貴州參政丁未接父憂服除補河南辛亥遷浙
江按察使壬子遷山東右布政祭丑遷挾西左布
政啟歷所至輒著賢聲公為人介潔端莊坦夷樂
易及其臨事破姦發伏逆見隨決如逢蒙之射方
逆之占無一不中君子愛之小人畏之以此甲寅

秋套虜烽警致屢西顧上問冢宰須沉毅才畧之
臣為之冢宰以公對遂晉右副都御史巡撫陝西
時公已久於其地熟悉時事謂諸監司曰虜不足
患四鎮不協心耳今宜先和四鎮遂飛檄馳書要
以必從四鎮果來虜遂聽公於是志防秋他無
所事在位三載邊鄙晏然例應給由會旱災地震
不敢遽去公退之暇稍延儒士野者歸矣戊午夏
至家衣布茹淡散髮不擲足不出外戶耳不聞塵
事滌除机心容養淳淑方其在位雖鞠躬盡瘁不

敢少懈而以適為得以足為至固已幽結於林中
驟感於避心為日久矣萬曆乙亥春命子熙載具
棺槨衣衾擇葬地乃為祭槨文有丙三二十五之
語不知其所謂也明年三月二十二日公不食但
飲水子孫泣勸不聽二十五日逝

牒

驅虎牒

竊惟

朝廷建置郡縣原以禁暴安民故吏與民最親疾

痛必救豪強必鋤城隍神亦猶是也城隍之爵與
縣令埒其土與縣令同莅所異者陰陽之高耳而
捍災禦患神尤有力焉平葬古荒服地介於滇黔
之交

今上始詔立縣以奉宣教化善者勸惡者懲民咸
雍熙於化日光天之下何意蠢爾猛虎離其巢穴
負我郊岵盡伏夜遊吞噬村落宰民不安矣近
復偏人城郭踰垣傷人民益惶惶日未沒而掩扉
客將行而躑躅以

聖天子聲教四訖威德遠播之世而可容此噬人
噬物之暴類與其間哉中宜與城隍神皆難辭其
責為此移牒尊神祈為大振陰靈凡我境內猛虎
期於三日內驅逐入山毋令復入村落其曾傷人
者照殺人抵命之律亟為冥誅以正法典若神力
不及此中宜將命戒山虞挾弓矢搃戈矛而與虎
從事神其默相克稱職守益昭神之靈應謹告
間閱古良吏傳而見虎渡河涉江事心竊異之乃
不其令捕之而虎伏厥罪登封簿移文嶽神而虎

斂爪歸山則知莫猛于虎而亦未嘗不怵法而惕
威也我

山陰任老夫子令平葬之五載吏畏民懷善勸惡
懲真信乎豚魚而口碑載路矣士午八月山村有
虎三五為羣噬畜產間至啣人我夫子計名虞
人搏之轉念弓弩兵衛駭人耳目且恐負嵎之威
或至傷人于是致齋移文縣城隍之神令陰為驅
除牒後三日虎果潛踪斂跡縣之人咸頌夫子
至誠感神福我無疆誰謂古今不相及哉吾因之

有感矣莫蠢于物莫靈于人昔孔子過太山之側
聞婦人之哭而曰苛政猛于虎夫政人之為也而
猛于虎殆揚子雲所謂虎而翼者乎彼殘自性生
雖日呼天籲之而亦未必肯悛也若 夫子之知
有虎而必欲驅之神應如響其心與政之仁孚于
冥冥不于此見一斑耶

孫士寅 疏義賓浙江錢塘人己
知舉人平彝縣知縣

生平慕名山嘗欲遊五岳何意小洞天窈窕近城
郭大塊本無私吾心欣有託維時春始和滿路生

年系志
卷之十
藝文
百七十五

衡藹風前挑。天大雨後柳濯濯。神開步逶迤興發。
身矍鑠出門無二里。天清聞雨雹。豈知清溪水石
激勢賁薄。隔岸見亭臺。欲去度畧約。歷歷翠微中。
丹巖藏洞壑。得非巨靈劈。無乃五丁鑿。始入頗幽
靜。寥廓匝指穹。虛屋屢張幃。天光似鏡圓皎皎。
皎穴中落陰竇。虛白生陽巖。空青撲香靄。散成霞
縹緲。結樓閣。地靈多芝茵。境靜少鳥雀。紫藤影歲
廷。蒼蘚色斑駁。巖空玉雕鏤。泉細珠錯落。金莖擎
貝。瓊液迸。齧苔衣。和雲補石髮。隨風掠禹糧。

既可餐魯酒亦堪酌僊境恣翫醜塵懷消齷齪探
奇不厭深乘興復躡躍洞門深且黑幽闕難捫摸
未行先燃炬欲下更絙索凹凸仗一筇乍于憑兩
層層層蜂入房曲曲蛇脫殼因爰巖穴佳那惜軀
體弱奇形與詭態觸目成驚愕或如虎豹蹲或如
獅象搏或宛若蛟龍或飛若鸞鷲或掛若獼猴或
或擊若鵬鷃或如大明宮文武盡儼恪衣冠列房
杜劍珮懸袞鄂又如將登壇壁壘結繹絡手執鉄
如意三軍狂麾霍或前若相迎或後若相却或竦

山
林
集
卷
之
一

一
十

藝
文

百
五
之

若相持或怒若相提或如蓬萊鳥羣仙遊廣漠得
得跨青牛翩翩騎黃鶴又如給孤園一鉢于自托
上看祖右肩下看赤兩脚或如登太常伶倫陳雅
樂或若張琴瑟或若執管籥噌吰若鐘鼓清越若
磬鐸投石一叩之衆音翕然作又如入武庫森森
皆可擢或攢若戈矛或排若刀稍或勁若弓弩或
鋒鏑或長若蟠幢飄揚隨地卓直若浮圖琉璃光
灼灼或如燕子龕或如蓮花幕或如金出冶或如
玉在璞或披若袈裟或垂若瓔珞文采若錦綉顏

已若丹壘絢爛若竹節簇若花萼鬼鬼高不墜累
累顛不仆千鈞重難扛一拳輕可握形象難具陳
聊復舉其畧乃嘆造化功豈同匠人斲石梁無人
涉有水長不涸石門無人叩有禽來剝啄石室無
居有跡深如削石鼎無人守有草皆靈藥石樽無
人飲有架掛瓢石田無人畊有禾似錢鏹躊躇
復四顧目駭神亦噩我聞混沌時二儀尚渾撲升
者皆輕清降者乃重濁或峙為嵩華或流為河洛
維漢古儼外六詔盡燹焚彩雲未現時開疆寔莊

躑昆明波浩蕩太華峯萃夢金馬與碧雞形勢頗
卓犖豈知彈丸邑山川亦不惡而我來作吏甫至
苦寂寞如獸落陷穿如鳥投繒繳既傷沈約瘦復
患齊侯瘞民不樂追呼我亦鄙敲扑祿少等偏書
官卑同擊柝几坐一室中跼蹐似尺蠖忽聞有靈
境如踐三生約鼓我膝上琴揮弦神渺邈携我案
前書展卷曾開拓出我匣中劍舞罷光閃錄載我
床頭酒舉杯興磅礴野菽摘滿把山泉引盈勺精
神得飛揚筋骸免束縛倦來枕石眠蘧蘧夢方覺

朝出暮始歸不惜往來數弗復念圭組詎肯顧囊
橐神如遊蓬瀛地已忘邱篚豈惟疾病消長生亦
可學浮沉水上萍聚散風中籜功業真芻狗文章
空糟粕富貴等浮雲斯遊誠可樂作賦擬天台聊
以繼孫綽

五言律

入滇

張時徹 號進士 浙江鄞縣人

天邊乘傳客 歷險到殊方
草長知蜂息 民流屬歲荒
巖花薰澗壑 木葉墮衣裳
何事秋風起 愁看白髮長

又

山路日多雨 我行猶未休
碧溪雲不定 青草瘴仍浮
客久旌旄落 天空鶴鶴秋
卜居何以賦 長嘯攬

吳鈞

平彝衛

彭而述 號禹峰 河南鄧州人 進士 雲南布政使

路入芳華縣溪邊忽有村環山簇石笋拔地起松
根苗女雞窠課翁燕麥屯喇麻罈內酒何必讓金
金罇

滇境

吳自肅 號克菴 山東海豐人 進士 雲南學道 甲

纔入滇南境雙眸分外明諸巒環秀色芳樹帶文

情亂後民風儉秋來野氣清相看初攬轡何敢負
生平

平葬

不寐中宵起遙看欲曙星雞聲方度水豹霧又充
庭數里霞舒紫千層嶺放青奇儒環道左何以樹

儀型

晚進滇南勝境

蔣廷銓號

璞山江南長洲人
雲南昆陽州知州

行盡黔陽路南中自一天僕夫力愈勁稚子喜從

偏落日留殘照疎林起暮煙旅吟猶未懶回首意
茫然

袁文亮

桃李花開日枝色又新正宜貪樂事何遽作行人
人嫌嫌濁城柳芳勞灞水輪古今同此域攜手且
橫茵

又

文章相見晚氣誼問交初一日乍言別長懷應有
餘出疆惟憶友下榻止觀書重疊情難話僕夫已

策驢

又

去年春月至今歲又春
遷車馬青郊日蒹葭白露
天心從樽下約書自鴈邊
傳莫作離情看相知應
有緣

又

未斟言別中先寫別中詩
我去原無意爾還却有
思雪深堪代燭風冷莫披
帷相許真相望殷此一
一卮

又

雙穗橋邊別此情倍可憐
山容分面背河勢限黔
滇策馬心仍戀懷人意自聯
不堪回首處遙聽水潺湲

詩五言古

平彝

何景明

陽字仲默河南信陽人書舍人

滇南八月中綠林何萋萋居人亦相輳數里聞鳴
雞路轉無詰曲山行少攀躋回瞻貴陽道咫尺蹊
壑迷

又

夜半平彝館風悲氣始悽月光皎東壁白露寒蟬
啼憑高視中原但覺衆星低長路心益壯浩歌天

之西

七言排律

平彝老人

何景明

平彝老人髮兩肩，哀哀訴語淡如泉。
時收斗粟輸田賦，日向諸隣乞米錢。
風雨饑寒趨路側，子孫流落避兵年。
青春有伴難還土，白首無家尚戍邊。
官裏征徭何日已，軍中苦樂古來偏。
魂驚戰鼓心猶怯，臂中飛弧肉盡穿。
獨去負戈巡夜砦，誰來銷甲種春田。
敢愁溝壑填哀謝，只擬封疆息燧煙。
我願

鹿前法唐將
籌邊有策到今傳

五言絕

平彝道中

何景明

崖懸雲自薄
山小路仍斜
古蒼松裏參
差幾樹花

邑侯任公去思碑記

舉人王憲平彝人

公諱中宜字弘文號懷庭浙之山陰人由歲貢來宰吾邑新治也康熙乙亥冬

大府以地當滇戶請于平彝廢微置縣益以亦佐故地

詔曰可丙子夏姑蘇趙公履任未幾而去諸不遑理乃邑當除舊事維更新不有治人以立治法其何能濟戎寅秋我任公來莅下車之初見土宇荒殘人民凋敝亟進諸父老咨其利病願一

切與之更始邑中人亦喁喁然仰維新之化公
年富才敏加之以勤暮年而政和人悅請于朝
邑篆之頌自公始也初賦稅官撫細籍輪將聽
書算生操重輕公親為科綜之宅爾宅田爾田
飛詭弊絕矣城垣歷久傾圮公鳩工庀材梵以
磚石門各豎樓三楹以壯闔堵覩山川為之改
色公以禮讓之不興由學校之弛也方今

聖天子崇儒重道文治光華平雖巖邑寧鮮忠信
宮墻鞠為茂草可乎爰除荒穢新殿廡峻門墻

春秋獻享歲時課誦足以妥

聖靈而育英髦已又閔子弟之不學而竄貫人多也創義學損俸延師中冒籍之禁甄拔寒士入庠者百人朔望躬詣講所宣

聖諭民知向化若決訟也虛以求其情明以燭其偽片言立折人不敢欺草生囹圄歲不過二三十牘噫何其良哉先是平俗多輕生睚眦小隙動輒自盡其命以相讎害公悉其奸不予理於是邑中絕無投繯赴水之惡習有鄉蠹煽訟惑

民者公桎梏之而坐諸嘉石德而化威而惕事
寧人殆未有過之者地當滇黔之交為宵小淵
藪莽伏探丸行旅苦之公明禁令嚴保甲盜賊
屏息良販賈卧始貼席矣最難馴者獠神公示
以威信膏以寬仁椎髻被氊之輩在在膜拜而
頂祝且性澹泊不妄受一錢人或以苞苴謁者
斥却之下猶面赭而心忿其私廉而有守清譽
編滇之東西迤馬往者虎出入村郭殘人噬畜
居民恐怖公手為疏牒神三日而虎屏跡偶遇

早潦公禱之而

上天輒應自戊寅迄丙戌時洽年豐家給人足咸謂公之德厚所致云

大府稔其賢能壬午歲權馬龍州篆甲申歲權尋甸州篆丙州士民戴其惠愛咸樹豐碑以頌而循良之聲聞噪人寰凡見見聞聞者莫不引領望曰安得任公一來而活我乎他如修城隍祠以事明神建鐘鼓樓以培風脉捐金而供億使節公出而募夫從行養老慈幼革陋剔奸鋤

強梗正風俗闢土地招流亡修道路勸農工善
政難更僕數也兼之孝友成性禮義律躬身先
為治風行草偃而仕優則學手日一編與古名
臣碩彥相往復青燈午夜雄誦之聲琅琅出晨
析風鈴間是亦近古簿書中所罕覩者也更撫
拾遺文叅以時政著邑志以垂法守服官八載
歷難艱辛而無倦臨大事而不懾凡有關於民
隱者侃侃然抗論

大府之前必期事定乃已或以利害怵之公正

色力拒畧不為動問遇羽書嚴務不分霜晨雨
夜單騎直往咄嗟立辦生平勤慎勇決鎮靜類
如此今年夏以秩滿遷新興刺史郎抄甫至闔
邑人士不常赤子之離乳哺呱呱欲泣夫公之
德及我平人溥矣我平人受公之恩亦孔厚矣
今一旦舍我去留之不可從之不能悠悠我思
其曷能既獨可幸者新興去平不遠藹藹棠蔭
此歌勿剪欲咏勿拜不日陟崇階擁節鉞總我
平人隸之宇下是則我人繫戀之極思此公其

必有以慰我憐兒童竹馬刻日以昭其信乎詩曰
樂只君子民之父母又曰有斐君子不可諠兮公
之德應與清溪而長流羅山而並峙矣敢覩縷記
之以壽貞珉用垂以勿替云